

建德縣志卷之七

學校志

學宮

文廟舊在縣東來蘇坊宋嘉定間知縣吳淵移建縣西北隅善政坊元明因之洪武初年知縣夏霖重建宣德八年知縣吳正重修正統間知縣李佑率邑士重建邑人柯暹記

明柯暹重修儒學記

皇明敷政教於天下久而益惇天下郡邑之司政教者久而不能無闕失宣德正統間聖書命廷臣憲臣分理之於時南直隸巡撫則侍郎吉水周公忱提調學校則監察御史永豐彭公崑皆素著聲望於中外者士民聞風傾仰政教為之一新建德學先亦廢弛至是而亦一新之蓋邑士徐永元江必遠檀啓禎陳子淵徐秉常曹洞英

建德縣志

卷之七

學校

一

徐彥剛七人者有以倡之也按郡誌建德初在秋浦鄱陽二縣間為至德鎮唐至德二年始立為至德縣隸潯陽復隸於饒永泰四年方隸於池五代後梁時改名建德舊學在縣夏來蘇坊宋丞相吳淵嘉定間為令建德遷縣西北善政坊柴中行為記堂曰從化太常博士柳貫記之齋曰宅仁曰集義後有六經閣前存咏歸亭中更變故學毀文湮國初知縣夏霖即所遷之地創建廟學屢葺屢敝至宣德癸丑則殿宇傾欲強支以木矣巡撫公命縣丞劉恭教諭沈圭募眾新之就緒而劉以裁省去任竣事者欲速弗稱易毀而虛費也公見益不樂暹因薦永元等於公曰是皆吾邑之好義而有力者明公若以禮勸之改圖不難公遂召見一二與語大悅適頒新歷公親緘題分賜之不數月新殿成輪奐鞏偉迥異疇昔觀感者彬彬興起時知縣李公佑尤善禮勸不踰年明倫堂東西兩廡兩齋大成櫺星門皆成師生有舍庖廩有所供祭之需畢具材斲工力之費動以數千萬計七人之功實倍於一邑之眾也二公謂宜刻石以紀其事以文屬暹暹惟孔子言於宗廟朝廷或便便或閭閻或侃侃於鄉黨則似不能言者顧予何人欲言於廟學以告鄉黨得不自量而知懼辭未許彭公去廬陵孫公鼎繼之善誘循循有古人風復命訓導羅素促文余再辭冀別得一言以嘉惠吾黨為幸然終莫能得也茲予休致歸淳安何君環來尹吾邑偕典教屠顯司訓鄧以遜謂暹曰君子樂道人善不貴修辭子欲遂謙德而負諸公之托泯鄉人之善恐亦未安無已乃復之曰古今天下所共由者一道道之明不明由乎教行不行由乎政三代以上政教出於一途如契敷五教而政在其中臯陶弼五刑而教



在其中後世損益殊制各司其司君子爲政故必興學而勸賢爲教亦必化民以成俗然不能者豈皆士與民之過歟故吾邑之學未遇則莫能起廢既遇則瞬目擴新由乎上之人有以鼓舞而作興之則下之人有以觀感而興起之也後之任政教者惡可以邑小民貧而不加之意凡被夫政教者惡可以自棄而不從其化樂育之士尤當尊所聞而行所知惡可自褻而不務格致誠正於己隆孝友于家敦信義於鄉哉他日出而有政教之責必思有以忠乎君而澤乎民庶無負朝廷之作養諸公之崇勸鄉人之屬望焉遲固不敏安敢以駑步而畫驥程哉

### 成化十八年知縣蒯賢修正德九年教諭李淮重建汪偉記

#### 明汪偉重修儒學記

監察御史吳公奉命巡南畿諸郡甲戌冬又十一月六日按節於池之建德再閱日

謁先聖於文廟已登明倫堂坐諸生執經以次講已起觀射諸生攝弓矢耦進射已乃周覽棟宇顧瞻前後還坐於堂進師生而言曰茲學敝甚不修何以稱育賢之典且吾觀堂東地最勝今所建處偏而後虛殆首事者之不審乎不改爲何以發山川之奇教諭李淮對曰此淮之夙心也非直淮也邑之士暨凡莅於茲者咸病之願力弗

### 建德縣志

#### 卷之七

學校

二

瞻耳君乃令會一堂兩齋及門之費凡若干先勸邑中好義者捐貲以助得百金餘繼出行臺贖刑之金又二百餘乃掄材鳩工卜日興事益市鄰堂民居隙地以廣基議既定乃撤其故作之去舊堂東十丈許後枕象山之雄前揖玉峰之秀四閱月而堂齋暨門告成地勝材良頓易舊觀民不知勞如神之輸諸生朝揖於堂而退修於齋中雍雍于子心目爲舒皆充然若有得也於是教諭淮具事本末走南雍請記且曰願一言爲吾士告予作而嘆曰盛哉茲舉也觀諸此可以知爲學矣夫聖人之道本自中正而光明其偏邪晦蝕非道之弊也爲道者之過也昧者不知習而安焉者有矣其知而不能改改而不能大有所振拔皆過也不猶茲堂之舊乎一旦翻然覺悟舍其舊而新是圖以趨于中正光明之域回視向之所處始惕然以懼赧然以慙不猶茲堂之今日乎矧士之爲學不才材力方寸轉移之間而得失相懸奚翅千里又有易于堂之爲者亦何憚而久不爲此也諸士觀茲堂之成既有所感發矣當益堅乃志益勵乃行動以聖賢爲標準以修諸身而達諸政俾國家收多士之效鄉邑有多賢之稱推原厥功知有所歸庶幾不負諸君子今日惓惓之盛心也君名鉞字肅威江西臨川人承委而協力相其成者郡守何侯紹正節推王用賢邑令周希默及教諭李淮也好義者邑民路鎮等也文廟仍其舊前此興修自有記茲不及云

#### 明教諭李桓文廟鼎鑪銘



成化改元冬十月予承乏來茲顧瞻廟庭鼎鑪素缺實切於心奈職卑祿薄欲爲不能積之三載始以薄俸餘貲命匠市金鑄造一鼎相以二瓶雕座盛之飾以丹雘庶協於心雅稱觀瞻用書以識歲月并系以銘銘曰惟茲彝鼎宗廟觀美非直觀美祇奉宗祀崇於學宮厥美奚媿用昭文明啓佑髦士成化紀元歷年有四迺積迺俸迺命匠氏博埴鎔金範模成器古器有銘以銘以紀時成化四年月日

### 正德十年李淮建樂成亭於明倫堂後邑人路達記

#### 明路達樂成亭記

物莫不有所遇也遇則成不遇則毀木遇氣則升水遇雨則沛在古今天下者無有不然推之一臺一室亦必有遇而成而況興賢育才之學校乎荆南成於安定之一遇蜀郡成於文翁之一遇今天下學校得遇而成者凡幾余建德固成之一嗚呼稽其始亦大成矣宋嘉定間遇吳淵爲令學自縣東遷至西北藏經之閣游息之亭賓筵講所無不悉備于時來學者百餘人下宋歷元沿我皇明或遇或不遇成毀相尋噫不圖今日復得所遇而見成也時自餘姚魏邦直先生精業教成之後師乏善繼廢敝日隨適遇普定李先生宗豫奉命來教至卽講勸進學條件日與諸生課諸始見學門湫敗西齋獨缺文廟兩廡率多澁漫以歲荒竟不告給有司捐俸貲而修葺

### 建德縣志

#### 卷之七

學校

三二

之因熟視堂地偏虛曰文運實氣運所使建德人材出而不湧者未必非此之故東去十丈許形勝可據惜無財力以充迄侍御撫州吳公肅威按歷視學先生力白請改公遂出贖刑錢命先生募尙義者共得數百金以先生廉謹敏幹悉以委任先生即日戒工躬自采集美材堅壁朝夕調度一頭一屑不妄費也不數月而明倫堂儀門居仁由義兩齋迥然新槩矣既而以材之餘因山構亭爲燕覽之所乃會僚友士夫諸生於其上舉酒而告曰淮任是大務業業恐不能勝數月無樂意今工竟事竣試與諸君樂且飲司訓萬安蕭具彝先生應曰登斯亭而一覽堂齋門宇嚴嚴翼翼前引玉峰後枕象山朝峰左望蘭水右廻其規模閎敞江南不多讓也今日之樂樂其學校之成蓋不名斯亭曰樂成以示不忘衆皆唯唯余時贊于盃末顧余日子邑人也邑之人才興科目盛實由于此而先生之功美且長義不可泯子宜記之余不獲辭竊謂物之成毀一遇之而已矣使我邑不遇先生則隤敝者日趨於毀安得成此偉觀而有是樂乎其成也雖出於數實幸先生之一遇匪直此也先生蚤以詩領鄉薦掌黔江教黔江學校爲之一新遷山陰山陰彥邦也乃舉射禮繪冠祭圖梓警學戒得箴而行之越之士日重以教行於山陰者教行於斯上之交相薦譽百姓慕其風請攝縣事老稚稱善政數月蓋未嘗有虛遇者今日之事固宜成耳雖然可樂者學校之成未言其爲學之成也必繼是以往師善教矣而弟子善學窮則修孝讓於家達則發忠讜於天子之廷不以死生夷險貳其心則不負今日之所遇然後爲學之成而成斯可樂矣衆曰樂曰未也賢不肖之樂殊後豈不有爲師者樂是偉居



祿與日遷而忘教爲弟子者樂是序名歲與日淹而忘學雖學之但樂於粉飾文字以苟富貴則今日之遇殆虛矣不爲易成以毀棄樂於憂乎衆曰憂日未也今與諸君論而記之則後之人願是學校之大念先生之難遇也必思有以稱之而興起者無窮則又無往而不樂成也衆釋酒而撫手曰斯至矣遂記請刻石于堂以便觀時

正德十年冬撰  
嘉靖三十一年知縣徐可久重建邑人李一元記

### 明李一元重建儒學記

國朝敬教勸學海隅向風建德介在畿輔文教素振維廟學建自宣德癸丑日久漸敝至不可撐支進無以享祀退無以居業非制也非所賴於有司也前此當事者或忽於衷或愆於素子矜之刺弗惜焉逮我鹿塘徐侯初謁廟視學進文學先生及諸弟子員告之曰古者建國君民教學爲先謂學之重也凡立學必先釋奠於先聖先師謂廟祀之重於學也今若此若之何圖之僉議工不可以擅興費必出於衆集建德故事請於當道而義勸於鄉可舉也侯曰上未察吾政而駭吾謀下未綏吾惠而厲吾役其可乎曷俟其後乃潔衷慎慮剔弊宣猷逾年而法著再逾年而惠周三年而信孚於上下乃謀諸父老謀諸鄉士大夫圖所事於泮宮者僉聞而義之

### 建德縣志

#### 卷之七

學校

四

相率而勸各輸其所有而推能事者董其成若以不與爲耻焉侯知事必有濟也乃白之當道當道聽之又從而助之可以徵義舉矣可以信良心之同矣壬子仲秋實維經始侯復謀於衆曰廟貌襲卑隘於明祀弗稱前偏後曠於地理弗宜材非慎選其非厚築於大任弗勝速成而易毀於財用弗繼於是規宏麗以宅尊相中正以協吉構堅貞以固本勸工藝以考成諸凡禮器樂器以及號稱橋門莫不葺舊圖新量工紀費迄癸丑仲春以次而畢侯乃率衆而落之而釋奠焉瑚璉挹廟貌之輝羽籥煥宮牆之秘蘭水光瑩乎物采玉峰標應乎文明洋洋乎盛哉德教遠矣諸父老諸鄉士大夫詣文學先生請曰泮宮成而頌聲作魯不能忘情於傳也我輩能忘情於侯哉願先生圖之先生唯唯遂授簡於陳子夢賢鄉子孔蔭井子子行江子文博過留都屬予頌其事余作而曰侯之功洵美頌非所得爲也效風人詠歌之義可乎歌曰倬彼繡星翼翼聖門應時而闢與道俱尊思樂泮水泱泱洙泗既滌化原復流教思殖殖兩廡方斲是虔既圮而植作又維賢赫赫聖靈惟天所命祇奉明禋克念作聖濟濟多士聿來胥宇遙觀厥成實維義舉濟濟多士駿奔在廟曰求厥章實維政要食之不置教之允臧樂只君子邦家之光匪棘於功實信於德樂只君子維民之則四子翕然進曰是歌也與魯頌並存焉可也維時侯當考最命召有期請執此以壯侯之行且以志侯之不朽云

崇正四年知縣楊錫璜改建於西門外



國朝康熙元年知縣高寅復移建城內西北隅舊址知縣高寅池  
太道劉三章記

### 高寅鼎遷儒學記

粵我文廟爲合邑之具瞻士風係川靈之毓秀故建學於城普天並慶况舊宮發軔  
科甲雲初若部曹若藩翰進而上之勳高節鉞大中丞兩擢其芳望重端揆名銓輔  
齊稱其盛確有明徵驗之今日莫或返本窮源由衰思盛奚以妥  
聖祀而隆學校哉固知鼎遷之舉詎自建吏防也合諸紳衿之公議協夫衆論之僉  
同所恃劉君堯枝謝君晉二師範區書至再固不敢於孟浪成謀徒道旁之築舍亦  
不敢於空言聳聽致素餐之貽譏倘行之未力信之未確猶如鼻之悞也將悞乃滋  
大深幸舊址綿延赫赫乎聖賢有靈泮池尙在寅見黍離而寤嘆焉集父老而尋問  
焉簪紱章縫並皆鼓掌即僻壤遐陬都鄙里巷靡弗懽呼樂成頌不云乎思樂泮水  
薄采其芹環白象鯛魚誦讀嗣茲而拔萃映蘭溪堯渡膠庠自此而聯鐘壽宇崖絢  
彩於前筆架峰列屏於左則廟貌崇隆諦觀山岳倍爲勝地已甫經議定彙詳督撫  
院道府廳各上憲蓋以城外非樞星之協吉而鼎遷實雁塔之先聲也但念規模闕  
大務宜確酌其章程物料浩繁尤貴詳加其估計遵奉憲批寅與二廣文具有同心

### 建德縣志

### 卷之七

學校

五

不憚捐貲首創捕衙計堯典施企儒欣然助工如連名籲請則庠生柯士麟等爲之  
合力而圖維開誠而嚮往焉如董理經營則貢庠胡官都事徐士侃生員孔尙咸李  
一仁王之明爲之置簿而登收鞠躬而綜核焉如往募辛勞則庠生洪邦乾胡維藩  
鄭善感童承聖柯標徐午第路介井遇王義民柯鳳翔歐陽樂傅康吳應植蘇道鴻  
何如珍檀燦徐本盛柯雲廷鄭士美汪一貫汪自順劉春陽張學大汪文相葉賓生  
葉壽許孟陳禎元方禎元鄭揚陳喬英會魁劉永銀併附籍入考義民仰昌且張義  
茂汪三陽周定祥朱賢信仰武謙程世新傅良秀羅良成爲之詣里而提撕遇輸而  
鼓勸焉築土基於仲夏豎造兩廡升樑棟於孟春恭迎  
師座夫建堂首重明倫設殿必先正殿卜云其吉終焉允臧其斯之謂歟大都鬱極  
思奮侈

昭代巍煥之觀否極泰來鍾一時風麟之彥卽今楮木季春久枯復榮已呈嘉兆洵  
非偶然爰振石城經濟有光江左珪璋歧予望之建士其瓦礫槎乎建吏其譽髦  
無數乎凡一柱一椽一瓦一石計日稽工隨材利用勿虛糜以持籌安

聖祀也勿遠巡以視事隆學校也次第完竣彙册申憲而今而後當必有探藏書於  
二酉臻顯秩乎三台兼且報捐輸之實數均荷恩施俾同志者聞風興起雖躍冶者  
覩準盱衡竊愧迂疎無當鐫篆也詳列姓名謹實言以記康熙二年歲在癸卯仲春

吉旦



# 劉三章鼎遷儒學記

世祖章皇帝御宇之十年嘗從禮臣請詔所在有司各修葺儒學禮臣議以前明二百餘稔文教覃於四海雖山陬水遠一壘

之治莫不立之饗舍以春秋祀

先聖先師以息師儒以存諸生徒弦誦之遺意稱大備矣然自軍興來得無有燬壞荒廢禮行無所者乎樽彝俎豆得無有殘缺者乎得毋有武夫捍卒逼師儒而處者乎非一大修舉之不可亟邀聖俞廣厲郡國誠盛典也江淮南北奉行九力時玉甲

張公督學東路余所見刊行部內修學碑記名人瑋製燿燦輝煌以昭夫興聖右文之治不當如是乎西路則前學使石臺李公嘗爲蕪湖縣儒學重修記余分臬其地獲寓目鴻筆焉旁郡邑悉稱是矣迨余蒞分臬之二年建德令高君從紳衿所僉議改復學宮有成請余記之據高君所奉牘曰建於三十年而往名賢輩起若大學士孔公若冢宰鄭公又若翰檢孔公副憲徐公皆俊偉光明照耀中外日者老成凋謝繼超寥寥矣諸紳衿用歸咎嘗遷學舍於城以外不吉宜歸復舊址事初同於道築費未集於衆擊賴高君至而力董之身倡之即以是奉行德意而晚其落於茲日也適余有齋捧之役不及含毫極慮爲諸生徒明所以踵武前賢者存乎人不存乎地不及取李公所記湖學士習民風二大端引而伸之即欲引而伸之懼勦說也更憶余守諸生日愛讀唐韓文公處州孔子廟碑宋歐陽文忠公吉州學記矣度建之章

## 建德縣志

### 卷之七

學校

六

縫俊秀夫人能知之誦之又非余所敢襲取也惟是塞高君請識外徙內還歲月始終方隅負抱之畧與夫同心協議輸貲效勸之姓名爲碑陰光而已若夫高君治建愛人潔己舉墜奏公既增修邑乘授之梨棗克垂永久茲再以是役聞使得生歐陽公同時附驥而馳鯁鯁然志復古而及於觀成賢豈在襄州穀城狄公下哉高令名寅直隸任邱人已亥進士碑陰所載例不豫書

康熙四十年知縣陰本鷺四十八年署知縣胡開京五十五年知

縣許彥桓雍正三年知縣董大呂俱重修乾隆四年署縣陳大德

知縣錢觀移大成殿於明倫堂改建崇聖祠於殿後署縣陳大德

記十四年知縣莊經畚補記

## 陳大德重建崇聖祠記

蓋聞輔相天地惟聖人表彰羣聖惟孔子



聖朝尊師重道故文廟之祀典加隆仁人報本展親故聖祖之追崇尤渥余分刺皖江越建壤僅數十里知邑中山峰拱玉溪水流蘭文物聲

名先朝稱極盛焉迨己未初秋兼攝縣篆謁廟行禮見大成殿飄零頹腐崇聖祠魁

星閣悉皆就圯殊覺愴然溯厥由來實坐後空虛及歷年久遠未加修葺之所致也

而二席文先生暨諸紳士皆以遷移另造爲請乃卜其基遷大成殿於明倫堂崇聖

祠暨其後焉但工費浩繁非有激勸之道難以積絲成錦於是議繕簿三十餘冊遍

傳通邑彼此樂輸在東郭徐姓族甚繁衍分立三祠其兩祠各有樂輸載簿而崇善

一祠係先朝永樂甲午經魁徐昇支派也有清白老人徐慶雲鄉賓徐之坤生員徐

洵徐樹徐之濤徐坦齡徐引徐浴徐淑徐泰齡徐述緒徐述夔徐述槐監生徐華國

鄉耆徐仁壽等環余庭而請曰建造之舉分任則功易成另自請簿一冊專造崇聖

祠字余亦夙懷分任之念遂允其請忻然給簿一本其祠內人士捐銀一百十八兩

有零又勸鄧胡朱姜王汪李何董徐丁陳戚施等姓共輸銀九十四兩零輸木作銀

七十五兩零共勦盛舉稽其興功在己未季冬之中浣告成於庚申季春之上浣余

時赴皖及抵建往觀見棟宇榱桷碩大堅凝稱傑構焉徐生所云分任則功易成其

言誠不誣矣但余五日代庖僅誌其始而鳩工庀材以董其成者實賴新任賢能之

力居多蓋文廟乃詩書根本崇聖祠乃文廟始基此鬻宮所並尊而並重者也今諸

生皆銳志鬻宮而慷慨捐輸踴躍趨事是皆培植詩書根本將見人文蔚起比美先

朝自不爽矣今崇聖祠功已告竣爰述所自爲之記乾隆五年庚申季春月安慶督

# 建德縣志

## 卷之七

學校

七

糧分府原攝建德縣知縣陳大德撰

### 莊經畚移建學宮碑記

古之教者有黨庠術序學者入學釋菜春誦夏絃秋學禮冬讀書有乞言惇史尙齒之文有讀法習射上功之典故其時子弟敦行孝弟樂善不倦七年小成九年大成入則治之出使長之體質彪文彬彬如也是故學校興而賢才以盛學校廢而賢才以衰此鄭國子衿之刺所由興而魯侯泮水之什所以美也夫建邑固賢才之藪也當明季之盛蜚聲庠序之士德業文章炳耀中外迺百年以來人往風微而學士大夫欲如疇昔之盛不可得君子慨焉今我

皇上加意作人覃敷文教遴選師儒丕振學校而外臣自督撫以至令長莫不仰承諭旨導化一方某自愧謏劣謬膺茲土方欲修廢舉墜獎勵文儒迺蒞任時晉謁文廟見夫高基堂堂層覆耽耽苞矣茂矣輪奐美矣巍矣煥矣豐饌飾矣雲染龍栢鳥企山峙旣寥寂以崢嶸復瑰偉以壯麗學宮之崇設若是則斯邑之好學樂善可知自茲以往賢才輩出安見異於古所云云耶然而誰歟經理之者誰歟董率之者又誰歟樂輸將而欣成之者碑記未立姓名不彰某聞之沾小善者率以錄况夫振興學校以爲樂育人材之地乎且夫人孰不惜其財與力而不惜以勸是役者誠知夫學校之地賢才係焉深望夫後進之士爭自刮劂以漸臻於古也其所以嘉惠來茲



者何限乃有善不揚豈所稱鼓舞羣倫獎勵風化者哉蓋建邑學宮自康熙年間邑令高公改復舊卜而地形窪下屢修屢傾後乾隆四年皖別駕陳公署縣事始議重建而移於舊基旁之亢墜者當是時陳公捐俸爲倡學博熊公王公邑曹鄭公繼之則又繼以陳公錢公同學博金公與計生竭蹶成之初陳公之勸輸也云十金以上者載入縣志以下者泐碑以示褒稱然則碑誌之作前人蓋有志未逮也某來也晚不及覩諸君子經營圖度之勞然竊喜諸君子之克既是業也現緣奉調肝邑匆匆行色告請於新任沈公遂爲記以書其功因邑志之成有待盡紀名於石行將復修縣志以繼陳公之志自當詳載焉高公諱寅商邱人陳公諱大德歸善人錢公諱觀嘉善人學博熊公諱存理桃源人王公諱曾泗州人金公諱清青浦人邑曹鄭公諱國標沔陽人餘例書于後乾隆十四年歲在己巳冬月立

四十一年知縣許起鳳教諭王宮訓導丁如琦率邑士重建正殿兩廡大成門宰牲所櫺星門泮池宮牆皆如制規模宏整煥然鼎新

建德縣志

學校

八

以紀其事

許起鳳改建學宮記

丙申歲春仲余奉

命承乏建邑下車日循例謁廟禮畢見大成殿新建未就其崇聖祠明倫堂尊經閣奎星閣以及兩廡戟門泮池露臺鄉賢名宦等祠均缺焉未備卽儒學官署亦無寸椽咸賃居民房隨查此項工程作何措辦倡始何年當據儒學王平齋丁菊圃兩先生告以此舉始於甲午春集議合邑士民捐資移建鳩工庀材於今已二年矣功將及半餘尙有待焉余喜謂曰如此艱難重大之責而二先生能肩任之真可謂見其大而勇於義者矣予不敏亦願繼武而踵成之然天下事易於圖始而難於觀成計此後工程浩繁而需費不貲若非勸輸鼓舞之有人恐有初而鮮終也爰卽延各紳士於署細詳其巔末實有難振之勢予曰此有司之責也何敢辭因盟心矢願竭力贊襄親歷各鄉諄切曉諭至叅之輿論僉稱兩學師暨各首事皆能秉公矢正是以人情悅服尙不至於廢弛然建邑地瘠民貧勢難猝辦予以地方公事應隨時制宜惟有從容酌辦以期成事現在督趨工程權其緩急漸次就緒務期於今歲內竣事以成合邑之美舉焉斯少慰耳現今重修邑志將好義諸君子載入懿行事成立石垂名以勸來者爰紀其略而付之梓丁酉暮春之吉邑令許起鳳撰



# 張世和重建黌宮記

嘗考禮經載學記一篇所以發慮憲求善良斯至於化民成俗也宋時徧州縣皆立學有學必有記如曾王諸篇其尤著者嘗讀毛詩而知菁莪咏則人材興子衿祛則學校廢所係固甚大也易曰觀人文而天下化成書曰念終始典於學胥是道耳春秋重民力凡興作必書而不書泮水闕宮蓋以育英才崇禮祀爲國家之首務免於譏也建邑控池陽之上游玉峰爲屏蘭水如帶俗樸而民淳秀髦聿興人文蔚起學宮在離兌之位鼓篋舍菜由來舊矣歲月既深風雨不除梁壞垣毀漸次頽荒司鐸茲土者王君宜丁君如琦晨夕不安議捐修葺歲甲午慨然以經始爲己任延邑中端謹之士設局經理立簿勸輸邑紳士共勦盛舉捐輸雲集卽擇仲秋吉日鳩工庀材酌經費定規模而各董事勤於力富於材者莫不踴躍歡欣而趨事時值晉省趙公滂署邑篆亦欣然捐俸具詳各憲至乙未孟冬大成殿煥然鼎新而爲廡爲門尙多未備丙申春許公起鳳浙之昌化人以名進士來尹於建見費用不敷卽親赴各鄉設法勸輸力勸其事越明年學博秦君山亦來秉鐸共爲之督率獎勸實力奉行而明倫堂學署及名宦鄉賢祠次第落成又以木片陶瓦之餘者建東西號舍於縣署東爲諸童考試地從此廢者興墜者舉缺者完有美而增有文而富改舊觀儼新構矣丁酉冬世和奉憲檄庖代茲土調先師之廟快觀輪奐似拱攸萃而後嘆賢令尹暨名司訓之勇於圖始而捷於觀成

## 建德縣志

### 卷之七

學校

九

並嘉紳士中必有敏勉始終殫心力于弗忘者益當爲勒名於弗替也恭遇聖朝崇儒重道壽考作人將見文教之興蒸蒸日上蘭水科目之盛正未有艾豈徒壯觀瞻昭閎峻哉世和之適逢其會聿觀厥成誠厚幸矣是爲記

### 黌宮經始錄

乾隆丁酉孟夏重建文廟落成既奉先師神位告祭矣諸董事咸退而謂予曰幸新宮之告竣念經始之維艱此事不可以無述余曰經始固有自矣而托始必於署邑篆趙公趙公山西潞人名滂於甲午五月到任見黌宮頽敝而又聞邑人勸捐重建聲氣翕集可以從事因自列捐簿通詳各憲延請首事十人督催立廠設局構造諸首事既經延禮未可退却因卽事就將夫弦歌雅化學道愛人原在邑宰勢之所在風流令行雖五日京兆未可不謂始基之也首事徐光國字利賓謹慎樸誠不設成見惟公是與其出而任斯事也曰某本無才但推諉非事體及事之有成也曰本意不欲見功但期始終免過其神明寤寐表裏可信焉首事鄭象僑字須翥機警識亮斷在事先始而匿跡弢光繼則昌言正誼素爲宗黨所推許借高才以當重寄雖黃浮譁無敢及者蓋其才望由來久矣首事何一豫字澤仁練於經營而密於事理一切綜核鉅細虛在事前言居人後勞人之所未勞受人之所難受竭誠從事而畏過不遑亦見公事之難任爾第一遜督



工勸捐亦辛勤黽勉張瑞祚字慶雲識老慮深退身藏用而木師用劉廷集從其一  
言工竣無誤張蟠桃字在侯素行敦厚在邑急公自來修輯文廟獨建奎閣故推是  
選未幾赴任司鐸去西鄉周徽字升蕃周燦周炳之姪也周燦素有大助之言周炳  
又有急公之素而兩人俱老乃舉其姪炳雖不任事猶親勸屯戶及自捐共五百金  
余至東鄉勸捐迷不識道升蕃扶掖至其家因共李維揚遍歷東鄉各生而歸葉期  
昌字景珍其尊人命之從事徐利賓鄭珍士發軔至西鄉勸捐不得其門利賓雖真  
意傾瀉心肝嘔出如沃石田得兩葉剖哲人情孽書條理斟酌後先始見萌芽既歸  
而感激兩葉不置兩葉者一期昌一蕃昌也中鄉著姓屈指金檀金管字清可於金  
氏輩行爲幼而金氏諸老咸推清可能勝斯任誠所謂殷實老成者也檀比慶字萬  
侯門戶身家俱當軒豁倡捐察院基費踴躍急公而城中採料勸捐至鄉者則有檀  
國香願爲東道賓至如歸欣然先路挨戶勸輸首事不無激發遂於中鄉捐簿列入  
中鄉首事云吳士恆字聖基毅直不阿坦然自信自高湖坂至金村勸捐與余同行  
大成殿下層磁瓦在嶺五十日協同承辦此十人皆原派之首事也後河勸捐之所  
不及則藉盧又漣下鄉勸捐之所不及則藉胡及嵩傅愈懾分鄉聯派則倪淑政之  
力居多景鎮之辦磁瓦也經費大途路遙首事同行則少領局資因鄭何兩首事拮  
闕澤仁應辦鄭不使何一人獨勞令其弟象儀同行童尚秩斷無他以清介見信  
辦上層黃瓦亦令同行凡再往楊濟偉度豐儀艱於奔走勸捐自堯渡至東田街辛  
勤竭力又見鋪役之勞而照應乏人也因忍苦而願共勞凡一往非關首事不必在

建德縣志 卷之七

學校

十

局盡斯文之本念篤實勸捐催激爲李報芳葉蕃今年交代懇其到城與周徽葉期  
昌吳聖基更番入局總理收支出入督工原派何一謙一讓一遜徐述益祖儲勸興  
象瑄象琬世隆日新自彬胡大定江揚清倪淑世淑政張開榜文藻際昌王世福每  
日兩人兩日一輪惟象瑄徐祖儲何一謙何日新不拘更番終年篤坐徐述槐見全  
事踴躍亦効力督工語云可與樂成難與慮始當勸捐未始首事未立而悉心指畫  
者爲象象琬何一讓徐述益徐勳或舉其弟或舉其兄或助其叔而服子弟之勞盡  
衛道之實後先奔走催繳勸捐如腹心之使指臂如手足之護頭目各出於本心而  
不自知予甚服其公義相扶而不自見也甲午新正初設捐簿歲始星改大開生面  
官田徐氏也終身閉戶絕去見聞獨樂輸饗<sub>宜</sub>豁然天日王穉全也篤誠願望恐蹈  
悔尤幸他人之我先樂同聲而唱和鄭協中也以此卜士心於始丙申春仲大工及  
半昌化許公到任本慈惠之良以斯文爲命士林遂欣然有賴以此卜天意有終云  
以上一體同功不別列勸捐催繳名目且合邑同善其盡力捐輸名姓自有碑目亦  
當有鴻文鉅筆撰述學記所以錄此者願將來各姓子孫來聖人之地識祖父之勞  
勤未雨之綢繆繫苞桑於永固實低徊於景仰豈梁笱之餘情謹從邑紳士意並前  
撰合成一册  
爲經始錄云

嘉慶四年知縣簡榮教諭林晉奎訓導彭蘊琨率邑士重修彭蘊



現記

彭蘊琨重修文廟記

建德山城也邑治之四圍層巒疊嶂蜿蜒迤迤拱抱環繞惟西北一隅峰回勢坦而學宮在城之西偏殿廷之右適當其缺學宮建於乾隆甲午歲規模赫奕制度闕敞而右偏之北涼風震撼陰蟻叢生孕育蠹蝕今祇二十餘年而棟梁榱桷漫漶傾圮邑之人士相興起而言曰吾儕學文修行得列聖人之門而神靈未妥母乃未安於心乎是不可不急為修葺也然修葺矣而不為盡善之圖不數年間又將議修議建矣亦非所以計長久也因集眾而謀熟思審處其當因者因之當易者易之殿之後相度地勢疊石累土以為障蔽眾謀僉同爰成是舉其中捐輸絡繹者若而人籌畫治事者若而人鳩工庀材者若而人經始於嘉慶四年己未之春至次年夏而落成邑之縉紳先生率後起之俊髦者乞余一言以志之予謂講求乎道德仁義以根本聖訓者無形之學也葺治乎殿廡堂舍以尊崇體制者是有象之學也諸君子踴躍趨事經畫周詳非無形之學有以深浹於中安能於有象之學急公恐後乎余何言以進諸君子乎雖然予無以進諸君子予不得不以所聞於古者告諸君子也昔陽明子應天儒學記曰士之學也以學為聖賢聖賢之學心學也道德以為之地忠信以為之基仁以為宅義以為路禮以為門廉恥以為垣墻六經以為戶牖四子以

建德縣志

卷之七

學校

十一

為階梯求之於心而無假於雕飾也其功不亦簡乎措之於行而無不該也其用不亦大乎諸君子誠誦法斯言有地勿荒有基勿壞安宅勿曠正路勿舍治我門戶固我垣墻將見德成名立明體達用者有人經明行修黼黻國家者有人至於掇巍科取高第不過庸耳俗目之所震羨特其餘事焉耳於是諸縉紳先生咸喟然而嘆曰善哉言乎先生之所聞於古者即吾儕所志以自勵以勵吾諸子弟者也先生其先得吾心者乎因叙其始末而書之并志捐資及董事首士各姓名於左以待後日之考證云時嘉慶七年孟夏月吉日

學基東至武廟西至城墻路南至城溝北至石山其南為照牆

在溝

之次北為泮池門二座左右設下馬牌二中為泮池池上建橋又

北為櫺星門三又北為大成門三門右為宰牲所又北為

大成殿殿前為月臺左右為兩廡殿之東北隅為

崇聖祠祠之左為敬一亭

明嘉靖中建於六箴碑今圯

其左為會饌堂

堂名觀名頤今



圯未建

### 柯暹會饌堂觀頤箴

大易聖人設卦觀象山雷曰頤其義為養天地之養萬彙惟均聖人養賢以及萬民何以曰賢率性之道何以為養修道之教非食不長非教不知教之養之觀其所頤觀過知仁觀小知大觀其所由知志所在如食中禮於坐必安外施既正內養必端是以君子觀象體易以慎言語以節飲食言語易忽難禁致謹於口宜根於心禮嫌噉絮敢恣放歎骨戒輕投齒審當決惟我先聖浩浩其天一食不苟出於自然雖不厭精亦不恥惡蔬食水飲自有其樂色惡臭惡失任不食餽餽餒敗不食甯饑鄰國大賢養心守約仁為我富義為我爵鄰國亞聖善養無徧氣養浩然性養知天前聖往詰孰非我師羣居食息惟日孳孳推類擴充無不用極外以養形內以養德不求飽兮志有在也不出言兮恥不逮也不求安兮敏於事也不素餐兮行其志也聖明教養煥乎典章育才於學食饌有堂惟師之習惟令之賢惟士之習宜各勉旃

號舍

見徐紳學宮記

大成門之左為

名宦祠右為

鄉賢祠又左為

### 建德縣志

### 卷之七

學校

十一

忠義祠

嘉慶九年建

學之右為

明倫堂堂前東西兩齋曰居仁曰由

義堂後為尊經閣其右為射圃圃中有亭

明正德間教諭李淮建今圯

堂之前

為

文昌殿

嘉慶九年移建并建後殿

堂之西南隅為

魁星閣

康熙二年知縣高寅記閣

在學之東南隅今移於西北

### 高寅鼎建魁星樓記

昔史遷志天官云魁枕參首仰戴匡文昌六星而下臨三台又曰平日建魁魁海岱以東北也繇此推之正下直山東分野安知非垂芒降祉以篤生曲阜一人乎崇祀之典與文廟偕固所宜也余癸卯二月建學宮於象山舊址即以上丁之日迎先師位於新宮先一夕秉燭堂上見奇鬼森然如世之所貌魁神者兩兩相比而前執管而舞踴躍奮迅不可名狀余方遽然驚覺而門吏報漏下五鼓矣即攝衣冠出齋被將事心甚異之夢耶非夢耶豈志氣所激天弗能違亦鑒余作人一念既誠且勇故上薄雲漢為章耶豈聖教德精朗徹真所謂垂芒降祉者其嘉余以妥以祀頓還舊觀故煥若神明耶抑多士文采陸離上亘天而下燭地耶獨是稽諸往牒如太



乙神上子政校書閣中考諸近事如三巨人入浙江文場東西峙立其兆爾多士兩榜三能蓋不俟大人之占而決矣多士勉乎哉廣文劉謝二君因請余建魁樓於文廟之東南隅既成復磨片石記之以志異焉時康熙癸卯春望後一日

閣之北為節孝祠嘉慶八年建其儒學土地祠則在教諭署之左

### 歷代祀典考

魯哀公十六年夏四月己丑孔子卒哀公誅之稱曰尼父 漢高帝十二年帝過魯以太牢祀孔子 明帝永平二年帝臨辟雍以太牢祀先聖先師 章帝元和二年帝東巡祀孔子及七十二弟子於闕里作六代之樂 安帝延光二年帝東巡亦如之 魏文帝黃初二年詔奉孔子祀令魯郡修舊廟置百戶吏卒以守衛之 齊王正始二年使太常釋奠以太牢祀孔子於辟雍以顏子配 晉武帝泰始三年詔四時備三牲之禮以祀孔子自後惠帝元帝成帝穆帝孝武帝並親釋奠以太牢祀孔子 南朝宋文帝採晉故事舞六佾設軒舞之樂 齊武帝永明三年詔立學設軒舞之樂牲牢器用悉依上公 梁武帝天監四年立孔子廟 陳後主至德三年釋奠于先師 北朝魏孝文帝太和十六年諡孔子曰文聖尼父告諡孔廟 隋文帝詔國子寺每歲四仲月上丁釋奠于先聖先師州郡學以春秋仲月釋奠 唐高祖

## 建德縣志 卷之七

學校

十二

武德二年詔國學立周公孔子廟四時致祭 太宗貞觀二年停祭周公升孔子為先聖以先師顏子配四年詔州縣學皆作孔子廟十一年尊孔子為宣父二十二年以左邱明卜子夏公羊高穀梁赤伏勝高堂生毛萇孔安國杜子春鄭康成戴聖劉向鄭衆賈逵馬融服虔范甯盧植何休王肅王弼杜預二十二人配享 總章元年贈顏子曾子封爵 睿宗太極元年加贈顏子曾子封爵並配享 元宗開元八年詔十哲為坐像曾子特坐俱在二十二賢之上圖七十子及二十二賢于廟壁二十七年諡孔子曰文宣王南向冕用九旒以顏子配贈諸弟子公侯爵又贈曾子以降六十七人為伯 宋太祖建隆三年詔國子監廟門立戟十六親撰先聖亞聖贊十哲以下命文臣分贊 太宗詔繪三禮器物制度于國學 真宗大中祥符元年幸曲阜備禮謁文宣王廟追諡曰元聖文宣王二年追封閔子以下九人為公會子以下七十二人為侯左邱明以下為伯親製元聖文宣王贊命宰相等撰顏子以下贊尋以國諱改諡至聖文宣王熙寧七年詔孔廟名大成殿增冕十有二旒服九章 神宗元豐四年追封公夏首后處公肩定顏祖鄒單罕父黑秦商原亢樂欬廉潔十人為侯七年封孟子公爵同顏子配享加封韓愈荀况等為伯並從祀 徽宗大觀二年詔以子思從祀封公夏首十人為侯改封曾子等五人為侯左邱明等三人為伯政和五年贈孟弟子十七人封爵以樂正子配享孟廟 理宗宣慶三年以朱熹從祀淳祐元年贈周敦頤張載程顥程頤朱熹諡爵並從祀景定二年贈張栻呂祖謙封爵並從祀 度宗咸淳三年加贈曾子子思子公爵與顏子孟子並配享孔



廟加贈顯孫子公爵升祀十哲祀泗水侯鯉於郛城侯忠之次贈邵雍司馬光封爵祀東廡者凡五十二人祀西廡者凡五十二人 元武宗至大元年加贈孔子號曰

大成至聖文宣王 仁宗皇慶二年以許衡從祀 文宗至順元年加封顏子兗國復聖公曾子郕國宗聖公子思子沂國述聖公孟子鄒國亞聖公 明太祖洪武元

年詔以太牢祀孔子於國學遣使詣曲阜致祭二年定釋奠祭器各爲高臺其籩豆簠簋悉易以瓷六年復孟子配享以五年罷祀故也十五年太學廟門左右列戟二

十四前爲櫺星門詔天下通祀孔子並頒釋奠儀注二十六年頒大成樂于天下二

十九年黜揚雄進董仲舒從祀 宣宗宣德十年以吳澄從祀 英宗正統二年以

胡安國蔡沈真德秀從祀十二年增樂舞爲八佾籩豆各十二 孝宗宏治八年以

楊時從祀九年增樂舞爲七十二人 憲宗成化十六年詔天下孔廟凡過門者皆

下馬 世宗嘉靖九年詔孔子神位用木主題至聖先師孔子不稱王增祀后蒼王

通歐陽修胡瑗陸九淵罷祀秦冉顏何公伯寮荀况戴聖劉向賈逵馬融何休王肅

王弼杜預吳澄十三人林放蘧瑗鄭衆盧植鄭康成服虔范甯七人各祀于其鄉

穆宗隆慶五年以薛瑄從祀六年以羅從彥李侗從祀 神宗萬曆十二年以陳憲

章胡居仁王守仁從祀二十八年詔孔廟易琉璃瓦 崇正十二年改稱左邱明周

敦頤程顥程頤張栻朱熹邵雍爲先賢

國朝順治二年定孔子諡曰大成至聖文宣先師十二年復改今稱 康熙四十九年

題定直省各學春秋二祭同城武職一體入廟行禮五十一年以朱子升配十哲顯

# 建德縣志

## 卷之七

學校

十四

孫子之次五十三年以范仲淹從祀 雍正二年九月依禮臣議復以先賢蘧瑗林放秦冉顏何並先儒鄭康成范甯從祀增祀先賢縣置牧皮樂正子公都子萬章公孫丑並先儒諸葛亮尹焞魏了翁黃幹陳淳何基王柏趙復金履祥許謙陳澧羅欽順蔡清陸隴其從祀四年詔天下祀文廟以太牢 乾隆六年頒定先賢先儒神牌位次 道光二年以劉宗周從祀西廡三年以湯斌從祀東廡五年以黃道周從祀東廡八年以孫逢奇從祀西廡二十九年以謝良佐從祀西廡同治十年以張履祥從祀西廡光緒元年以陸世儀從祀東廡二年以許慎從祀東廡三年以劉德從祀東廡四年以張伯行從祀西廡五年以輔廣從祀西廡十八年以游酢從祀東廡二十一年以呂大臨從祀西廡三十三年依禮臣議奏升 孔子以大祀增訂禮儀頒行天下三十四年以顧炎武從祀東廡以黃宗羲王之夫從祀西廡

# 大成殿聖位

按明嘉靖九年定制

至聖先師神位木主高二尺三寸七分闊四寸厚七分座高四寸長七寸厚三寸四分

朱地金書  
今仍之

# 聖位設於大成殿正中南向殿上恭懸



聖祖仁皇帝御製

至聖先師贊

贊曰蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂範此正學所以常明人心之所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪定之權明道之聖人也行道者勛業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準

建德縣志

卷之七

學校

十五

其奚所取衷焉然則孔子之爲萬古一人也審矣朕巡歷東國謁祀闕里景仰滋深敬攜筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖誕生聲金振玉集厥大成序書刪詩定禮正樂旣窮象繫亦嚴筆削上紹往聖下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖溯源洙泗景躅唐虞載厯庭除式觀禮器攜毫仰贊心焉遐企百世而上以聖爲歸百



世而下以聖爲師非師夫子惟師於道統天御世惟道爲寶泰山巖巖東海泱泱墻高萬仞夫子之堂孰窺其藩孰窺其徑道不遠人克念作聖

欽頒殿額

康熙二十四年頒

御書萬世師表額

雍正三年頒

御書生民未有額

乾隆五年頒

建德縣志

卷之七

學校

十六

御書與天地參額

嘉慶四年頒

御書聖集大成額

道光二年頒

御書聖協時中額

咸豐元年頒

御書德齊疇載額

同治元年頒

御書聖神天縱額



光緒元年頒

御書斯文在茲額

宣統元年頒

御書中和位育額

東配

配位木主明嘉靖九年定制高一尺五寸闊三寸二分厚五分座高四寸長六寸厚二寸八分朱地墨書

復聖顏子回 字子淵魯人累封兗國公

聖祖仁皇帝贊

贊曰聖道早聞天資獨粹約禮博文不遷不貳一善服膺萬德來

建德縣志

卷之七

學校

十七

萃能化而齊其樂一致禮樂四代治法兼備用舍行藏王佐之器

述聖子思子伋 字子思 先聖之孫累封沂國公

聖祖仁皇帝贊

贊曰於穆天命道之大原靜養動察庸行德言以育萬物以贊乾坤九經三重大法是存篤恭慎獨成德之門養之藏密擴之無垠

西配

宗聖曾子參 字子輿魯人累封郕國公

聖祖仁皇帝贊

贊曰洙泗之傳魯以得之一貫曰唯聖學在茲明德新民至善爲



期格致誠正均平以推至德要道百行所基纂承統緒修明訓辭

亞聖孟子軻 字子輿鄒人累封鄒國公

聖祖仁皇帝贊

贊曰哲人既萎楊墨昌熾子輿闢之曰仁曰義性善獨聞知言養氣道稱堯舜學屏功利煌煌七篇並垂六藝孔學攸傳禹功作配

東序

東西序木主明嘉靖九年定制高一尺四寸闊二寸六分厚五分座高二寸六分長四寸厚二寸朱地墨書

閔子損 字子騫魯人累封費公

冉子雍 字仲弓魯人累封薛公

建德縣志 卷之七

學校

十八

端木子賜 字子貢衛人累封黎公

仲子由 字子路卞人累封衛公

卜子商 字子夏衛人累封魏公

有子若 字子有魯人封平陰侯

西序

冉子耕 字伯牛魯人累封鄆公

宰子予 字子我魯人累封齊公

冉子求 字子有魯人累封徐公

言子偃 字子游吳人累封吳公



顓孫子師 字子張陳人累封陳公

朱子熹 字元晦宋婺源人徙建陽謚文封徽國公

東廡

東西廡先賢木主明嘉靖九年定制高一尺四寸闊二寸六分厚五分座高二寸六分長四寸厚二寸朱地墨書

公孫僑 字子產鄭之公孫

漆雕開 字子開魯人家語作蔡人字子若封平輿侯

冉 儒 字子魯魯人家語作儒字子魚封臨沂侯

梁 鱣 一作鯉字叔魚齊人封千乘侯

商 瞿 字子木魯人封須昌侯

建德縣志

卷之七

學校

十九

司馬耕 字子牛宋人家語作黎耕封睢陽侯

林 放 字子邱魯人封長山侯

南宮括 字子容論語作适家語作韜魯人封汝陽侯

原 憲 字子思魯人家語作宋人封任城侯

伯 虔 字子析魯人家語作楷封沐陽侯

公西赤 字子華魯人封鉅野侯

冉 季 字子產魯人封諸城侯

漆雕哆 魯人家語作侈字子斂封濮陽侯

漆雕徒父 字子有魯人家語作從字子文封高苑侯



任不齊字選楚人家語作字子選封當陽侯

公良孺陳人家語作儒字子正封牟平侯

公肩定字子中魯人家語作公肩字子仲封梁父侯

鄒單一作鄒單字子家聊城人封聊城侯

罕父黑字子素魯人家語作宰父黑封邴鄉侯

榮旂字子祺魯人家語作榮祈封厭次侯

左人郢字行魯人家語作左郢字子行封南華侯

鄭國字子徒魯人家語作薛邦字子從封胸山侯

原亢字子籍魯人家語作原挑封樂平侯

建德縣志

卷之七

學校

二十

廉絜字庸衛人家語作潔古史作齊人封胙城侯

叔仲會字子期晉人家語作魯人封博平侯

公西輿如字子上魯人家語作公西輿古史作輿封臨胸侯

琴張字子開衛人家語作琴牢封陽平侯

陳亢字子禽一字子元陳人封南頓侯

邾巽字子斂魯人家語作選字子飲封高堂侯

步叔乘字子車齊人封博昌侯

秦非字子之一字子立魯人封華亭侯

顏何字冉魯人封堂邑侯



顏 噲字子聲魯人封濟陰侯

牧 皮史記不載封爵無考

縣 亶字子象史記索隱云卽縣豐封爵無考

程 顛字伯瀉宋洛陽人諡純累封豫國公

萬 章齊人孟子弟子封博興伯

樂正克周人孟子弟子封利國侯

周敦頤字茂叔宋道州人諡元累封道國公

邵 雍字堯夫宋河南人諡康節封新安伯

西廡

建德縣志 卷之七

學校

二十一

蘧 瑗字伯玉衛人封內黃侯

宓不齊字子賤曲阜人封單父侯

公皙哀字季次齊人家語作字季沉封北海侯

澹臺滅明字子羽武城人封金鄉侯

公冶長字子長齊人家語作魯人封高密侯

商 澤字子季魯人封鄒平侯

樊 須字子遲齊人家語作魯人封益都侯

高 柴字子羔衛人家語作齊人封共城侯

巫馬施字子旗魯人家語作巫馬期陳人封東阿侯



顏 高字子驕魯人家語作顏刻封雷澤侯

曹 卹字子循蔡人封上蔡侯

秦 商字子丕楚人家語作魯人封郵城侯

壤駟赤字子徒秦人家語壤作穰字子從封上邽侯

石作蜀字子明秦人家語作石子蜀封成邑侯

公孫龍字子石楚人家語作公孫寵衛人封枝江侯

顏 幸字子柳家語作辛字子魚魯人封陽穀侯

公夏首字乘魯人家語作公夏守字子桀封鉅平侯

奚容蒧字子皙衛人家語作奚箴字子偕封濟陽侯

建德縣志

卷之七

學校

一一二一

顏 祖字襄魯人家語作顏相字子襄封富陽侯

公祖句茲字子之魯人家語作公祖茲封卽墨侯

后 處字子里齊人家語作石處字里之封膠東侯

句井疆字子疆衛人家語句作勾封盜陽侯

秦 祖字子南秦人封馮翊侯

縣 成字子祺魯人家語作字子橫封武城侯

燕 伋字思秦人家語作級封泮源侯

樂 欬字子聲魯人家語作樂欣封建成侯

狄 黑字皙衛人家語作字皙之封林慮侯



孔忠字子蔑孟皮之子家語作孔弗封鄆城侯

公西蒧字子上魯人家語作子尙封徐城侯

顏之僕字叔魯人家語作子叔封冤句侯

施之常字子恒魯人一作字子常封臨濮侯

申棖字子周魯人史記作黨家語作續封文登侯

左邱明魯中都人封中都伯

秦冉字開蔡人一作魯人封新息侯

公明儀魯人

公都子齊人孟子弟子封平陰伯

建德縣志

卷之七

學校

二十三

公孫丑齊人孟子弟子封壽光伯

張載字子厚宋郟縣人諡明封郟伯

程頤字正叔宋洛陽人諡正累封洛國公

從祀東廡先儒

東西廡先儒木主明嘉靖九年定制高一尺三寸闊二寸三分厚四分座二寸六分長四寸厚二寸朱地墨書

公羊高周末齊人封臨淄伯

伏勝字子賤秦濟南人封乘氏伯

董仲舒漢廣川人封廣川伯

劉德漢河間獻王光緒三年從祀



后蒼字近君漢東海鄒城人

許慎字叔重漢汝南召陵人官太尉南閣祭酒光緒二年從祀

社春漢河南緱氏人封緱氏伯

諸葛亮字孔明漢琅邪陽都人諡忠武封忠武侯

王通字仲淹隋龍門人私諡文中子

范仲淹字希文宋吳縣人諡文正

歐陽修字永叔宋廬陵人諡文忠封兗公

楊時字中立宋將樂人諡文靖封將樂伯

游酢字定夫宋建州建陽人官監察御史光緒十八年從祀

建德縣志

卷之七

學校

二十四

羅從彥字仲素宋南劍人諡文質

李侗字愿中宋劍浦人諡文靖封越國公

呂祖謙字伯恭宋婺州金華人諡成封開封伯

蔡沈字仲默宋建州建陽人諡文正封崇安伯

陳淳字安卿宋漳州龍溪人諡文靖

魏了翁字華父宋邛州蒲江人諡文靖累封秦國公

王柏字會之宋金華人諡文憲

趙復字仁甫元德安人家江漢之上世稱江漢先生

許謙字益之元金華人諡文懿



吳澄字幼清元崇仁人諡文正封臨川郡公

胡居仁字叔心明餘干人諡文敬

王守仁字伯安明餘姚人諡文成封新建伯

羅欽順字允升明泰和人諡文莊

黃道周字幼平明福建漳浦人諡忠端

陸世儀字桴亭國初江蘇太倉人光緒元年從祀

顧炎武光緒三十四年從祀

湯斌字孔伯國朝河南睢州人諡文正

從祀西廡先儒

建德縣志

卷之七

學校

一二十五

穀梁赤一名淑一名喜字元始周末魯人封睢陵伯

高堂生字伯漢魯人本齊公族封萊蕪伯

孔安國字子國封曲阜伯

毛萇字長公漢趙人封樂壽伯

鄭玄字康成漢北海高密人封高密伯

范甯字武子晉鄆陵人封新野伯

韓愈字退之唐修武人諡文封昌黎伯

胡瑗字翼之宋泰州人諡文昭

司馬光字君實宋涑水人諡文正封溫國公



謝良佐字顯道宋上蔡人道光二十九年從祀

呂大臨字與叔宋陝西藍田人官秘書正字光緒二十一年從祀

尹焞字彥明一字德充宋洛人欽宗賜號和靖處士

胡安國字康侯宋崇安人諡文定封建甯伯

張栻字敬夫宋綿竹人諡宣封華陽伯

陸九淵字子靜宋金谿人諡文安

黃幹字直卿宋閩縣人諡文肅

輔廣字漢鄉宋人光緒五年從祀

眞德秀字景元宋蒲城人諡文忠封蒲城伯

建德縣志

卷之七

學校

二十六

何基字子恭宋婺州金華人諡文定

陳澹字可大元都昌人

金履祥字吉父蘭溪人諡文安

許衡字仲平元河內人諡文正封魏國公

薛瑄字德溫明河津人諡文清

陳獻章字公甫明新會人諡文恭

蔡清字介夫明晉江人諡文莊

劉宗周字起東明山陰人諡忠介

孫奇逢字啓泰明容城人道光八年從祀







諸生皆領齋牌訖贊設誓牌戒誓生捧牌置案舁起引導樂作鳴鐘鼓設誓牌於戟門外禮成乃退 前一日有司飭廟戶潔掃殿廡內外正獻官率各官及執事生及學習儀教官率樂舞生入學習舞習吹禮成視宰官公服詣省牲亭香案前奠爵揖視宰牲并瘞毛血乃退 祭日五鼓陳牲帛盥盛設福胙於殿內東案尊爵之旁設洗於階下之東設樂舞於階下設承祭官及各官拜位於班秩之所設讀祝受福胙拜位於殿中門檻內設上香奠爵帛拜位於案前雞初鳴承祭官分獻官陪祭官豫集於內致齋所味爽贊引生引承祭官自左側門入分引兩序分獻官兩廡分獻官皆入至階東盥洗畢序立陪祀各官咸序立贊樂舞生就位贊執事人各司其事贊文舞六佾進典儀生贊就位引承祭官分獻官陪祭官就拜位立典儀贊迎神樂奏昭平之章樂作典儀贊就上香位引承祭官升東階入殿門左贊詣

先師香案前跪贊上香承祭官三上香畢俯伏興以次詣四配位前跪上香俯伏興贊復位引承祭官復位贊引生分引東西序分獻官入殿門詣十二哲位前跪上香分引兩廡分獻官詣先賢先儒位前跪上香俯伏興均如前儀俱次第復位典儀生贊跪叩興承祭官分獻官陪祭官行三跪九叩頭禮興樂止典儀生贊奠帛



爵行初獻禮奏宣平之章樂作舞初獻之舞贊引生引承祭官升東階詣

先師位前贊跪承祭官跪司帛跪捧篚承祭官受篚拱舉司帛跪受奠於案司爵跪捧爵承祭官受爵拱舉司爵跪受奠於墊中俯伏興典儀生贊就讀祝位引承祭官至殿中拜位立贊跪承祭官分獻官暨陪祭官皆跪贊讀祝司祝跪讀祝如儀承祭分獻暨陪祭各官均行三叩頭禮興贊引生引承祭官以次詣四配位前跪奠帛獻爵分引兩序分獻官詣十二哲位前跪奠帛獻爵分引兩廡分獻官詣先賢先儒位前跪奠帛獻爵俯伏興儀均同俱復位建德縣志

卷之七

學校

二十九

樂止典儀贊行亞獻禮奏秩平之章樂作贊引生引承祭官詣先師位前跪奠爵於左俯伏興次詣四配位前奠爵贊引生分引兩序兩廡分獻官各詣位前奠爵俯伏均如儀俱復位樂止典儀贊行終獻禮奏叙平之章樂作引承祭官詣

先師位前奠爵於右次詣四配位前奠爵分引兩序兩廡各官詣位奠爵跪俯伏興均如亞獻儀復位樂止文舞退典儀贊飲福受胙引承祭官至殿中受福胙位立捧福胙二人自東案捧福胙至先師位前拱舉退立於承祭官之右接福胙二人自西案進立於左贊跪承祭官跪贊飲福酒右一人跪遞福酒承祭官受爵拱舉



授於左次受胙如飲福之儀贊叩承祭官三叩興贊復位引承祭官復位贊跪叩興承祭官分獻官陪祭官均行三跪九叩頭禮興典儀贊徹饌奏懿平之章樂作徹饌畢樂止典儀贊送神奏德平之章樂作贊跪叩興承祭官分獻官陪祭官均行三跪九叩頭禮興樂止典儀贊讀祝者捧祝司帛者捧帛恭送燎所承祭官避立西旁俟祝帛過復位典儀贊望燎贊引生引承祭官詣燎所視燎畢仍引由左側門出北面揖

凡出殿門皆揖

樂止陪祀各官皆退

雍正五年定禮每歲春秋仲月上丁日直省州縣正印官率僚佐照典制行禮正獻知縣主之分獻教諭訓導主之執事典儀通贊

建德縣志

卷之七

學校

三十

二人贊引二人讀祝一人監洗濯二人監宰一人收支祭物一人監庭燎瘞坎二人陳設一人司帛五人司爵五人司盥一人司悅一人司香燭一人瘞毛血六人飲福受胙二人奏中和韶樂舞羽籥之舞其牲登鉶簠簋籩豆尊爵之數將事之儀均如大學丁祭儀

祝文

乾隆九年頌

惟先師德隆千古道冠百王揭日月以常行自生民所未有屬文教昌明之會正禮和樂節之時辟雍鐘鼓咸恪薦於馨香泮水膠庠益致嚴於籩豆茲當仲春秋祗率彝章肅展微忱聿修祀典配以

復聖顏子  
宗聖曾子



述聖子思子  
亞聖孟子尚饗

陳設祭品 乾隆四年  
頒式遵行

祭器 銅器香鑪一瓶一磁香鑪十八登一彝二鼎十六毛血磬  
十六鏹二十二簠六十一簋六十一著罇八罍罇八爵五十四銅  
器毛血盤二勺八竹器籩二百四十六錫器盥盤二茅沙池二鐵  
器燎鑪二庭燎八燎又四木豆二百四十六饌盤十六牲盤十六  
俎二十燭臺一百零六高照四十六篚盒十八竹版二供桌九紬  
器幕帷八桌帷十八

樂器 大鼓一楹鼓一應鼓一鼗鼓二琴六瑟四笙六龍箏六鳳

建德縣志 卷之七

學校

三十一

簫二洞簫六壎二篪四祝一敔一搏拊二搏鐘一編鐘十六特磬  
一編磬十六木笏六龍麾一翟四十八籥四十八羽毛一百四十

四旌節二

文廟舞六佾三獻皆文舞引舞以旌節左右各一按文德之舞以  
羽籥武功之舞以干戚故不列干戚

祭品 太羹

周禮注羹  
肉汁不和

和羹

周禮注肉汁  
加以五味

黍

結穗如稻散  
垂而不毛

稷

禮謂明粢乃  
粢之不糯者

稻

今水田所  
種粳米

粱

似粟而大有青黃白三種  
以上四品擇好者煮為飯

形鹽

周禮鹽人掌形鹽散鹽  
注形鹽刻為虎形之類

鱠魚

周禮鮫人注鮫為乾魚今製用  
鮮魚薄醃乾之臨用水洗酒浸

棗栗榛

俱陸  
果

菱芡

俱水  
果

鹿脯

周禮臘人掌乾  
肉脯即肉之乾

者今製切鹿肉作  
塊酒浸炙乾用

白餅

用小麥  
麵造

黑餅

用蕎麥麵造  
二餅皆糖餡

韭菹

周禮七菹謂醃菜為  
之今製截去本末取



中醢醢醢肉醬也醢醢之多汁者今製細切豬脊肉拌油鹽葱椒茴香爲之菁菹菁卽蔓菁菜也頭似蘿蔔色微青鹿醢切鹿肉作

小塊用油鹽葱椒茴香拌芹菹芹水菜也兔醢製法同鹿醢笋菹今用乾笋煮熟切段魚醢製法同鹿醢脾析

牛百葉豬洗刮極淨煮熟細切長條豚拍豬肩肉蒸熟切帛官製每段長一丈八尺字曰禮神制帛按禮爲量帛謂量度其長短爲之制也檀香

降香木香燭龍蠟燭鮮紅色炬燈庭燎

樂譜樂舞

樂譜

春夾鐘清商立宮 倍應鐘變宮主調

秋南呂清徵立宮 倍呂清角主調

大春六秋上哉工乙孔凡上子六尺先六尺覺凡乙先六尺知凡上與工乙天凡上地凡乙

建德縣志 卷之七 學校 三十二

參乙尺萬上六世乙凡之六尺師六尺祥凡六徵凡乙麟工乙紱凡上韻工乙答乙凡

金上六絲乙凡日工乙月凡上旣上六揭六尺乾工乙坤凡上清工乙夷上六

右迎神

宣平章

予上六懷工乙明凡上德六尺玉乙凡振工乙金上六聲乙凡先凡上民工乙未乙凡

有六尺展工乙也凡上大六尺成凡上俎乙尺豆乙凡千上六古六尺春凡上秋凡上

上六尺丁凡上清上尺酒乙凡旣工乙載上六其工乙香凡上始工乙升上六

右奠帛初獻

秩平章



式上六禮上乙莫凡上愆六尺升乙凡堂六尺再工乙獻工六嚮乙凡協六尺鼗工乙

鏞凡上誠六尺孚乙凡罍六尺鬯六尺肅六尺肅六尺雍凡上雍凡上譽工乙髦上六

斯乙凡彥上六禮乙凡陶六尺樂上乙淑凡上相六尺觀凡上而工乙善上六

右亞獻

叙平章

自上六古工乙在六尺昔凡上先乙凡民六尺有工工作凡上皮六尺弁乙凡祭工乙

菜上六於乙尺論六尺思凡上樂上乙惟六尺天乙凡牖上六民六尺惟六凡聖乙凡

時工乙若凡上彝六尺倫六尺攸乙尺敍上六至乙凡今六尺木上凡鐸上六

右終獻

建德縣志 卷之七

學校

懿平章

先上六師工凡有凡上言六尺祭上六則乙凡受上六福六六四工乙海上六鬯六尺

宮乙凡疇工凡敢凡上不工凡肅上六禮六尺成乙凡告上六徹六尺母工乙疏凡上

母工乙瀆上六樂六尺所乙凡由工凡生上六中上尺原凡上有工凡菽上六

右徹饌

德平章

鳧上六繹工乙峨凡上峨六尺洙乙六泗上乙洋工上洋凡凡景乙凡行六尺行六尺

止乙凡流工乙澤凡上無六尺疆凡上聿六尺昭乙凡祀六乙事上六祀上六事乙凡

孔工乙明凡工化上六我六尺蒸上六民乙凡育工乙我凡上膠工乙庠上六



右送神

笛譜 笙同 清變宮 尺 清商 乙 清角 上 清變徵 尺 清凡羽 清徵 宮

簫譜 壎篪排 清變宮 尺 清商 凡 清角 六 清變徵 乙 清上羽 清徵 乙

樂舞

舞初獻章

予 稍前向外 懷 踏向裏 明 合手蹲 德 起辭身向外 玉 兩兩相對蹲 振 手

上 蹲朝 金 正 聲 起手身出 生 兩兩相對自下 民 稍前舞舉 未 中班轉身東西

班十二人轉身 有 舉翟三 展 稍前向外 也 踏身向裏 大 向前合手謙進 成

俱東西相向 回身再謙退步側身 俎 正蹲 豆 稍舞躬身挽手側身向 千 正古 起辭身挽手

建德縣志

卷之七

學校

三十四

春 兩兩相對交籥兩 秋 正上 向外退挽手舉 丁 回身 清 稍前 酒 正蹲 既

左右垂手兩班上下 載 起合手 其 左右側身垂手向 香 右側身垂手 始 正揖

升 躬而受之躬身朝上拱 籥而受之三鼓畢退

舞亞獻章

式 左右進步向 禮 右向裏 莫 向外落籥 愆 退向正 升 正 堂 起身向前 再

向裏 獻 合手謙進步向前 響 兩兩相向自下而上 協 上下俱垂手惟兩中班上

西相 轟 轉身東西 鏞 相向立兩班上 誠 稍前舞蹈兩班上 孚 向裏垂 壘 合

謙進步向前 翮 回身再謙兩班上下 肅 稍前舞向 肅 向裏 雍 雙手平合籥 雍

合籥翟朝 譽 側身垂左手兩班 髦 躬身 斯 雙手舞籥 彥 躬而受之躬身朝上



禮一叩頭舉右手叩頭陶舉左手叩頭樂復舉右手叩頭淑拜一鼓畢即起躬身三鼓平身相三舞蹈舉籥向左躬身舞觀  
舉籥向右而舉籥復向善拱籥躬身而受之

### 舞三獻章

自向外開籥舞古向裏開籥舞在側身向外面朝上昔朝上正立先兩班上下兩兩相對交舞民合手正立有  
側身向裏作合籥朝上正立皮自外開籥舞弁向裏開籥舞祭開籥朝上正立菜合籥於於向外開籥舞論  
向裏開籥舞思進步向前樂回身東西惟向外開籥舞天向裏開籥舞牖開籥朝上正立民合籥舞  
朝上正立惟向外垂手舞聖向裏垂手舞時朝上正揖若躬身而受之彝躬身向左合籥舞倫躬身向右合籥舞  
攸躬身復向左右籥紘合籥朝上拜一鼓便起身至側身向外垂手舞今側身向裏垂手舞木朝上正揖鐸躬身朝南受之  
三鼓畢起身

## 建德縣志

### 卷之七

學校

三十五

國初奏樂沿用前朝舊製康熙八年定正樂章改和為平稱中和韶樂五十二年改造樂器審定黃鐘之度五十五年

欽定樂章奏准平字樂章通行贊唱始行頒發各州縣學雍正八年重易今樂章乾隆五十一年定今樂譜鐘呂嘉慶五年頒譜於各學今春秋歌舞所用者是也其樂舞生康熙三十六年定用三十六人服紅色補服戴裏金銅頂乾隆五十年又加四人為四十四人以備疾病事故

建邑自明末兵燹後 文廟祭器樂器各 壇廟祭器皆殘闕不備今詳載其儀並繪祭祀陳設諸圖以俟後之正禮製造者



文廟祭祀圖




建德縣志

卷之七

學校

三十六

文廟陳設圖





文廟配位陳設圖 配位東西嚮 東西各二案每案陳設同

籩 榛 菱 芡 鹿 脯

形 鹽 鱧 魚 棗 栗

爵 鉶 和 羹

簋 黍 稷

配位 爵

簋 稻 粱

爵 鉶 和 羹

韭 菹 醢 醢 菁 菹 鹿 醢

俎

豕 羊

燭 香 燭

篚 帛

豆 芹 菹 兔 醢 笋 菹 魚 醢

建德縣志

卷之七

學校

三十七

文廟東西序陳設圖 從位東西嚮 東西各六案每案陳設同

籩 栗 鹿 脯

鹽 棗

爵

簋 黍

十二哲位

爵

鉶 和 羹

簋 稷

爵

菁 菹 鹿 醢

俎

羊 羊

燭 香 燭

篚 帛

豆 芹 菹 兔 醢



文廟東西兩廡陳設圖 從位東西嚮 六十二案同

籩 栗 鹿 脯 羊 燭

鹽 棗 俎 羊 香

簋 黍 俎 羊 燭

爵 稷 豕 燭

爵 菁 菹 醢 豕 燭

豆 芹 菹 兔 醢 豕 燭

篚 帛

從位

建德縣志

卷之七

學校

三十八

崇聖祠 明嘉靖九年國子監建啓聖公祠祀叔梁父紇題曰啓

聖公孔氏神位以顏無繇曾點孔鯉孟孫氏配俱稱先賢某氏以

程珦朱松蔡元定從祀兩廡稱先儒

國朝雍正元年追封

先師五代爲王爵啓聖祠改名崇聖祠增宋儒張廸從祀西廡

肇聖王木金父 正中南向

裕聖王祈父 中東南向

詒聖王防叔父 中西南向

昌聖王伯夏父 東上南向



啓聖王叔梁父 西上南向

東配先賢

顏氏無繇 字子路復聖父封杞國公

孔氏鯉 字伯魚孔子之子述聖父封泗水侯

西配先賢

曾氏點 字子皙宗聖父封萊蕪侯

孟氏激 字公宜亞聖父封邾國公

東廡先儒

周輔成 惇頤父桂嶺縣令累贈諫議大夫

建德縣志

卷之七

學校

三十九

程 珦 字伯溫頤父封永年伯

蔡元定 字季通沈父諡文節

西廡先儒

張 廸 載父官殿中丞知涪州

朱 松 字喬年熹父諡獻靖

祀儀 乾隆四年頒春秋上丁正祭日先致祭崇聖祠正獻以教諭兩序分獻以訓導兩廡分獻以食餼學弟子二人爲之凡上香迎神奠帛爵讀祝徹饌送神望燎均如祭 大成殿儀惟不用樂

舞跪叩行二跪六叩頭禮

按會典行三跪九叩禮



祝文 乾隆九年頒

維 王奕葉鍾祥光開聖緒盛德之後積久彌昌凡聲教所覃敷率循源而溯本宜肅明禋之典用申守土之忱茲屆仲春聿修祀事配以

先賢顏氏

先賢曾氏

先賢孔氏

先賢孟氏

尚饗


崇聖祠祭祀圖

建德縣志

卷之七

學校

四十





崇聖祠正位陳設圖 正位南嚮

籩 榛 菱 芡 鹿 脯

形 鹽 鯧 魚 棗 栗

爵 鉶 和 羹

簋 黍 稷

正位

爵 鉶 和 羹

簋 稻 粱

韭 菹 醯 醢 菁 菹 鹿 醢

豆 芹 菹 兔 醢 笋 菹 魚 醢

俎

豕 羊

燭 香 燭

篚 帛

鹽

建德縣志

卷之七

學校

四十一

崇聖祠配位陳設圖 配位東西嚮 東西各二案每案陳設同

籩 栗 鹿 脯

棗 栗 鹽

簋 黍

簋 稷

菁 菹 鹿 醢

豆 芹 菹 兔 醢

俎

豕 羊

燭 香 燭

篚 帛

鹽

配位

爵 爵 爵



崇聖祠東西兩廡陳設圖 從位東西嚮 東西各一案每案同

籩 栗 鹿 脯

爵 鹽 棗

簋 黍

爵

簋 稷

爵

菁 菹 鹿 醢

豆 芹 菹 兔 醢

俎

羊

豕

燭

香 篚 帛

燭

蠃

蠃

建德縣志

卷之七

學校

四十二

新纂

禮部謹

奏為遵

旨議奏仰祈

聖鑒事十一月十五日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨

孔子至聖德配天地萬世師表允宜升為大祀以昭隆重一切應

行典禮該衙門議奏欽此竊維



孔子德參兩大道冠百王爲生民以來所未有及門諸子定論昭垂自漢至明歷代帝王未嘗不事推崇而典禮終多缺畧至我

朝乃極崇隆

聖祖仁皇帝釋奠闕里三跪九拜復以曲柄黃蓋留供廟庭

世宗憲皇帝釋奠臨雍稱詣學不稱幸學案前上香

特諭躬親奠帛獻爵跪而不立黃瓦飾闕里之廟追封至五代爲王

聖誕虔肅致齋

建德縣志

卷之七

學校

四十三

聖諱特加敬避

高宗純皇帝闕里釋奠拜跪之數黃蓋之留均法

聖祖又倣

世宗欽定闕里

文廟之制以黃瓦飾太學

文廟

大成殿

大成門

特飭太常另繕禮節



躬行三獻之儀至

列聖御書

文廟碑文聯匾

宸章煥發尤必本配天之意務極闡揚是崇德報功之典遠軼前朝寔隱然有升大祀之意引而未發今我

皇太后以

列聖之心爲心

皇上以

先師之道爲道

建德縣志

卷之七

學校

四十四

心源默契

德音孔昭曠典特頒日星彪炳跪誦之下欽服難名臣等又伏讀  
雍正五年

諭曰堯舜禹湯文武之道賴孔子纂述修明魯論一書尤切人生日用使萬世倫紀以明名分以辨人心以正風俗以端若無孔子則人將忽於天秩天叙之經勢必尊卑倒置上下無等干名犯分越禮悖義君不君臣不臣父不父子不子其害可勝言哉惟有孔子之教統智愚賢不肖無能越其範圍此所以治萬世之天下爲生民所未有也使爲君者



不知尊崇孔子何以建極於上而表正萬邦乎  
祖訓煌煌寔與此次

綸音先後一揆雖邇日人心好異學派或致分歧一經顯示欽崇  
自足收經正民興之效謹將所議升大祀典禮另繕清單恭  
呈

御覽是否有當伏乞

皇太后

皇上聖鑒訓示施行如有未盡事宜容再悉心詳議具奏

先師既升大祀理應三抬書寫合並聲明謹

建德縣志

卷之七

學校

四十五

奏

謹將遵

旨議奏

先師升大祀典禮繕單恭呈

御覽

一先期祇告查會典

國家大典均先期祇告

天

地



宗

社致祭

嶽鎮海瀆

前代帝王陵寢

先師闕里

先師升為大祀係屬大典擬請

特派親王先期祇告

天

地

建德縣志

卷之七

學校

四十六

太廟

社稷及太學

先師廟並

遣官致祭

嶽鎮海瀆

帝王陵寢

先師闕里

一

廟制街門三間



大成門五間

大成殿七間暨

御碑亭十四座舊制皆覆黃瓦餘覆綠瓦今擬改爲通覆黃瓦

一

神牌舊制朱地金書今擬金地青書

一

神幄及案衣舊制銷金紅緞今擬改用黃雲緞

一爵舊制用銅

親臨釋奠增設鎏金銀爵一鎏銅爵二今擬均改用玉

建德縣志

卷之七

學校

四十七

一祭品舊制十籩十豆今擬加二籩二豆爲十二籩十二豆

一樂舞舊制六佾今擬用八佾舊專用文舞今擬添用武舞

一釋奠舊制

遣官時多今擬春秋丁祭請

皇帝親詣行禮以昭隆重有事則親王恭代

一分獻舊制

親詣釋奠分獻四配以尙書分獻十二哲及兩廡以侍郎今擬



分獻四配以大學士分獻十二哲及兩廡以尙書如親王  
恭代則分獻四配以尙書分獻十二哲及兩廡以待郎

一視牲舊制先二日禮部尙書一人視牲今擬改先三日  
視牲

一齋戒牌銅人舊制先二日太常寺進設

乾清門今擬先三日進設

一致齋舊制

皇帝齋於大內二日今擬請致齋三日

一入廟升殿舊制贊引對引恭導

建德縣志

卷之七

學校

四十八

皇帝由中門入

大成門中門升階進

殿中門至拜位今擬請由左門入

大成門左門升階進

殿左門至拜位祭畢禮成出殿門亦如之如

遣親王恭代舊制入左門今擬改入右門舊制出左門今擬改

出右門

一迎神送神舊制

皇上行二跪六拜禮今擬行三跪九拜禮



一上香舊制

皇帝立而不跪查會典大祀皆跪上香

日

月中祀亦跪上香

先師既升大祀擬請

皇帝跪上香

一跪奠帛爵親行三獻光緒二十年八月丁祭

親臨釋奠業已遵行今請著爲令

一飲福受胙光緒二十年

建德縣志

卷之七

學校

四十九

親祭始行此禮請著爲令惟查二十年禮節謝福胙行二跪六

拜禮今擬謝福胙行三跪九拜禮又查會典大祀贊禮即

贊

賜福胙中祀贊答福胙今擬贊

賜福胙舊制

遣官飲福受胙今擬如親王恭代不飲福受胙

一太學及直省祭文既升大祀擬請交翰林院另行恭撰

一臨文稱引

先師舊制雙抬今擬改爲三抬



一立碑

先師既升大祀擬請

御製碑文立石

國學以垂久遠

一

崇聖祠正位祭品舊制羊一豕一籩八豆八今擬加牛一加

籩二豆二

一

崇聖祠承祭官舊制

建德縣志

卷之七

學校

五十

親祭

先師之年

崇聖祠以大學士承祭今擬

親臨釋奠

崇聖祠以親王承祭如

遣親王釋奠則

崇聖祠以大學士承祭

一直省府廳州縣

文廟規制供奉禮器樂舞暨



崇聖祠祭品擬並同太學行禮儀節仍遵舊制惟承祭官出入  
向例由左側門今擬改由右側門不飲福受胙以上二十  
三條謹據臣等愚見是否有當請

旨遵行

再

先師升爲大祀春秋釋奠臣等愚見擬請

皇上親詣行禮

先師神牌擬請改用金地青書

文廟擬請通覆黃瓦如蒙

建德縣志

卷之七

學校

五十一

允准則

大成殿

大成門街門及

御碑亭均須修飾見新即

崇聖祠亦有須展拓之處工程殆非刻期可畢來歲仲春丁祭  
皇上是否先詣行禮抑或俟工竣之日再請

親臨釋奠謹附片陳明伏乞

聖鑒訓示謹

奏



禮部謹

奏爲請

旨事竊臣部於光緒三十二年十二月二十日具奏  
先師升爲大祀典禮擬請先期

簡派親王祇告

天

地

宗

社

建德縣志

卷之七

學校

五十二

先師又擬

崇聖祠以親王承祭如親王恭代釋奠則

崇聖祠以大學士承祭

崇聖祠

正位祭品擬加牛一籩二豆二奉

旨依議欽此仰見

朝廷尊

師重道並隆禮

先師之



前代

聖意極爲周浹臣等欽感莫名惟舊制

崇聖祠配位及兩廡以國子監所屬官分獻並不開列具題竊  
維國子監官已裁減大半且

先師既升大祀

五王亦隆禮有加分獻亦應職位稍尊職官擬請

崇聖配位分獻以侍郎兩廡分獻以內閣學士並擬告祭

先師之日同時

遣大學士一人告祭

建德縣志

卷之七

學校

五十三

崇聖祠如蒙

俞允容臣等開列銜名一並請

旨簡派又舊制

崇聖祠單抬書寫今擬改爲雙抬擬於隆禮

先師之意尤爲有合如尙有未盡事宜仍應臣等隨時詳擬具奏  
以期周備是否有當伏乞

皇太后

皇上聖鑒訓示謹

奏



照抄祭文

維

光緒三十三年丁未 月 朔越 日

皇帝遣

建德縣知縣

等致祭於

訓導

巡檢

典史

把總

建德縣志

卷之七

學校

五十四

至聖先師孔子之神曰聖由天縱緬萬世師表之尊道協時中繼

三代明倫之治學校徧乎鄉國秩祀著在彝章仰維

先師孔子教範古今德彌宇宙達天盡性淵源集羣聖之成守道

遵經文軌治大同之盛稽崇儒之鉅典

先朝久重明禋擴興學之鴻規

懿訓特升上祀風聲所樹承矩矱於三雍教澤無垠廣甄陶於百

氏大義炳如日月馨香永以春秋於戲玉振金聲億代猶

存夫愾慕麟祥鳳德八方莫外於尊親文治恢昭蕊芬

歌格以



復聖顏子

宗聖曾子

述聖子思子

亞聖孟子配尙

饗

禮部謹

奏爲請

旨事竊臣部於光緒三十二年十二月二十日具奏

文廟擬請通覆黃瓦

建德縣志

卷之七

學校

五十五

大成殿

大成門街門

御碑亭均須修飾見新

崇聖祠須展拓及另建

御碑已蒙

俞允此時天氣和暖應請

欽派大臣查估承修估定後臣部即筭監擇日開工查

文廟規制

大成殿七間階一成東南西三出陛有謂



先師升爲大祀殿宜拓爲九間階須三成五出陛者臣等相度  
文廟隙地無多

列聖御碑亭及樹株未便遷移礙難展拓須向

廟後再圈地段乃可推廣然當年工堅料實此時良材難得卽  
加添地基從新改造工程保固未必如前致敬之道以實  
不以文擬各處見新已足如間有年久腐朽之處可由估  
修大臣請

旨辦理惟

崇聖祠殿廡狹隘陳設牲牢之外餘地無多不便行禮必須展

建德縣志

卷之七

學校

五十六

拓省牲亭亦須量展又

文廟殿廡牆垣旣通覆黃瓦

崇聖祠殿廡在一廟之內前奏未及聲明應請

旨一律辦理至

文廟祭器旣升大祀理應改造謹擬款式繕具清單恭候

欽定其應行添補祭器等項容俟詳查續奏所有酌議

文廟工程祭器緣由是否有當恭摺具陳伏乞

皇太后

皇上聖鑒訓示謹



奏

謹將酌擬

文廟祭器款式繕單恭呈

御覽

登舊制用銅口爲回紋中爲雷紋柱爲饗饗形足爲垂雲紋蓋上爲星紋中爲垂雲紋口爲回紋與

天

地

社稷登紋同

建德縣志

卷之七

學校

五十七

地壇

太廟

社稷

農

蠶

地祇登均黃色瓷今擬

文廟登亦改用黃色瓷紋仍舊銅舊制用銅與

太廟同兩耳爲蟻形口爲藻文次回紋腹爲貝紋蓋爲藻紋回紋雷紋上有三峯爲雲紋三足亦爲雲紋俱與



太廟鏹紋同惟

太廟鏹耳及緣飾金

文廟鏹耳及緣不飾金

先師既升大祀今擬鏹紋仍舊耳緣飾金

簠簋及豆舊制用銅

各壇用陶

太廟用木髹漆塗金簠簋四面飾玉豆三方飾玉

太廟兩廡制同惟不飾玉今擬

文廟簠簋及豆亦用木髹漆塗金而飾以玉以昭示

建德縣志

卷之七

學校

五十八

天子尊

師之意

籩舊制編以竹絲以絹飾裏頂及緣皆髹以漆紅色

地壇

太廟

社稷

農

蠶均飾黃色

太廟籩口加飾雲紋今擬



文廟邊亦飾黃色口繪雲紋

筐竹絲編造四周髹以漆舊制紅色

地壇

太廟

社稷

農

蠶筐均黃色今擬

文廟筐亦改黃色

俎用木錫裏外髹紅色中區爲三外銅鑲四八足有跗

建德縣志

卷之七

學校

五十九

太廟

社稷

日

月

農

蠶制同今擬仍舊制

尊用銅純素兩耳爲犧首形

各壇用陶

太廟用銅今擬仍舊制



以上各器大小高深擬均仍舊制

光緒十七年重建

文廟暨修葺 武廟並 龍神土地等祠原稟章程

建德縣知縣黃國城為詳報事案照卑縣議建文廟經卑縣函商直隸臬司周紳馥首先倡捐本洋一萬元又續捐本洋一千二百元

並就地設法勸捐當傳匠估計並飭各董分投購料於光緒十七年八月初七日開工諭派各董分司其事由卑縣會同儒學督察暨札委典史親詣監造一面會議章程稟奉各憲批飭督同在事紳董認真建造毋任草率偷減一俟工竣即行造具收支細冊詳請委驗核銷等因奉經轉飭遵照在案茲據局董聯名稟稱以

文廟工程均已按照舊址大小規式建造核與縣志所載圖式大致相同現於光緒二十二年正月初八日一律工竣並將收支清摺同底帳八本具結稟請核明報銷等情前來卑職逐款查核委係實收實支絕無浮冒週歷勘驗均係工堅料實毫無草率偷減情弊該董等任勞任怨實力實心固應獎賞至周紳馥桑梓情殷振興文教自係仰體 朝廷作育人材至意據稱不敢仰邀 議叙而首先倡捐本洋一萬一千二百元之多其慷慨好義已逾尋常亦未便壅於上聞除將呈到底帳各簿蓋

建德縣志 卷之七 學校 六十

用騎縫印信發房存檔備查並另文請獎外理合照造收支四柱細冊加具印結粘連成套繪圖貼說備文詳報仰祈 憲台鑒核俯賜核銷再卑邑 武廟暨 龍

神土地等祠均係貼近 文廟已據該董等稟明卑職將所剩木石磚瓦金硃油漆等項並動支是項捐款修理一新足壯觀瞻是以附案造報又查此次工程全係民捐民辦未奉動撥正項錢糧卑職不過查催亦未經手銀錢惟該董等所用工料一切均係事前稟由卑職會同儒學商議明確方行舉辦該董等並未敢擅自作主照章自應聽候 憲台委員驗收核銷第此工程動用捐款概係實收實支毫無冒濫可否邀免委勘仍由卑職傳同各鄉出資來局辦事之公正紳耆眼同核實驗收之處伏候 批示祇遵合併陳明除詳

督憲暨 憲外為此備由呈乞照驗施行

重修文廟記

我邑

聖廟自康熙元年由西門外移建於北門內規模頗壯咸豐年間遭粵寇燬失片瓦無存逾二十餘年屢議興復以地方貧瘠無力而止馥忝蒙 聖恩濫邀祿仕念大亂之後人心不靖當興學以端風俗並為減輕各保捐費起見故



獨捐巨資助成斯舉幸官紳合力迅速蔽功甚幸事也先是肄業者膏火不繼已捐助研經書院銀一萬兩後因改辦學堂經費不敷光緒三十一年在署兩江總督任內又捐銀四千兩先後共一萬四千兩並存典生息俱歸學堂之用三十年來拮据經營力止於此後起才俊如果濯磨奮興原不藉此然觀我邑文風士習非重加誘掖獎勵不足以挽回風氣他日倘有同志續捐巨款或毅力經營振興實學則一邑人文較科舉時更易發達教育有資文明大啓豈特衣冠之幸抑亦四民之幸也企望曷有既哉宣統二年春三月周馥記

### 歷代學校考

漢武帝時始令天下郡國皆立學校 平帝元始三年立學官郡國曰學侯國曰校置經師一人 晉孝武帝太元九年詔州郡普修學校 後魏獻文帝天安初立郡縣學 隋文帝仁壽元年詔廢州縣學 唐高祖武德七年詔諸州縣並令置學宋仁宗慶歷四年詔州縣興學校五年詔州縣學毋輒容非水土人 神宗熙寧四年州給田十頃爲學糧 徽宗崇寧中詔縣學生三歲不赴升試者除其籍諸路賓興會試辟雍 元世祖至元二十三年設江南各道儒學提舉司江南學校舊有學田復給之以養士二十五年尙書省臣奏令江南郡縣學田所入羨餘貯集賢院以給多材藝者二十八年令江南諸路學及各縣學內設立小學選老成之士教之二十

### 建德縣志

#### 卷之七

學校

六十一

九年詔江南州縣學田其歲入聽其自掌春秋釋奠外以廩給師生及士之無告者明太祖洪武二年詔府州縣皆立學府學四十人州縣三十人縣學二十人日給廩膳仍免其家差徭二丁十五年頒釋奠儀注於天下府州縣學其祭各以正印官行禮有布政使司則以布政使主之其分獻則以本學儒職及老成儒士充之每歲以春秋二仲月上丁日致祭每朔望郡縣長以下詣學行香二十六年頒大成樂舞於天下 成祖永樂四年帝親謁廟 英宗正統元年始設提督學校官南直隸以御史爲之 神宗萬歷六年以江北巡按兼轄衛直隸廬鳳淮揚四府滁徐和三州提學十二年令南直隸提學御史仍兼管江北

國朝順治二年上下江督學御史分差二員九年并合爲一十年特設督學二員分考上下江 康熙元年裁并歸一 雍正三年仍分上下江各一員

### 國朝順治九年

命禮部頒臥碑於天下學宮碑曰

朝廷建立學校選取生員免其丁糧厚以廩膳設學院學官以教之各衙門官以禮相待全要養成賢才以供



朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明禮當再三懇告使父母不陷于危亡

一生員立志當學爲忠臣清官書史所載忠清事蹟務須互相講究凡利國害民之事更當留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

建德縣志

卷之七

學校

六十二

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入即有切已之事止許家人代告不許干預他人詞訟亦不許牽連生員作証

一爲學當尊敬先生若講說皆須誠心聽受如有未明從容再問毋妄行辯難爲師長者亦當盡心教訓勿致怠惰

一軍民一切利病不許生員上書陳言如有一言建白以違

制論黜革治罪

一生員不許糾黨多人立盟結社把持官府武斷鄉曲所作文



字不許妄行刊刻違者聽提調官治罪

康熙二十三年頒

御製學校論曰治天下者莫亟於正人心厚風俗其道在尙教化以先之學校者教化所從出將以納民於軌物者也是以古者家有塾黨有庠州有序國有學人生八歲自王公以下至於庶人之子弟皆入小學及其十有五年則自元子衆子以至公卿大夫元士之適子與凡民之俊秀皆入大學蓋自家至於國莫不有學自天子至於庶人莫不學自幼至於長莫不皆學凡學有詩書禮樂以爲之本干戈羽籥以爲之文父子君臣長幼之

建德縣志

卷之七

學校

六十三

道於是焉觀之六德六行之教於是焉取之所以淑其耳目手足之舉措而養其心以復其性以爲修己治人之大者可謂備至矣是以當時之君子履信思順以事其上小人亦皆樂循禮而恥犯法侯撻不事而至治以興後世學校寢廣博士之途寢繁所以立教之方失先王之遺意士之遊其中者直以爲利祿之階欲期道德之士詎不難哉且夫今之所謂教者誦讀焉而已爾而又弗實致其力以防其放辟邪侈之心使氣之充而識之明以漸求復其性其何以爲修己治人之道哉故曰教隆於上化成於下教不明於上而欲化成於下猶却行而求前也教



化者爲治之本學校者教化之原欲敦隆教化而興起學校者其道安在在務其本而不求其末尙其實而不務其華以內行爲先不汲汲於聲譽以經術爲要不屑屑於文辭如是則於聖人化民成俗之道庶乎其有當也夫

康熙四十一年頒

御製訓飭士子文曰國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生

建德縣志

卷之七

學校

六十四

積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有叙爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩佚予衿佻達自昔所譏苟行止有虧雖讀書何益若夫宅心弗淑行已多愆或蜚語流言脇制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之



於衷甯無媿乎况乎鄉會科名乃掄才大典關係尤鉅士子果有眞才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸罔利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨績行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志靈俟他

建德縣志

卷之七

學校

六十五

求哉若仍視爲具文玩愒弗儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

頒發貯存書籍

欽頒臥碑一道

科場條例二本

御製訓飭士子文

駁呂留良講義二本



上諭五函

名教罪人詩二本

聖諭廣訓一本

磨勘條例一函

御纂周易折中二本四函二十卷

學政全書二部

御纂書經傳說二部四函二十四卷

膽黃一道

御纂詩經傳說二部四函二十卷

安省捕挖蝗蝻章程二本

御纂春秋傳說二部八函三十卷

建德縣志

卷之七

學校

六十六

學政全書一部八本

御纂朱子全書二部八函六十卷

條例一函

欽定四書解義二部四函二十六卷

續增捕蝗章程二本

御製樂善堂詩文全集二部四函乾隆二十九年四月繳訖

學政全書二函

御製日知薈說二部二函乾隆三十五年繳去第一本

續增學政全書二函



欽頒十三經全部十二函

條例一函

御批通鑑綱目二部十六函

續增科場條例二本

欽定四書文全部

續增科場磨勘一本

上諭四本

續增科場條例一本

上諭條奏一函六本

上諭條例一部

欽頒十三經註疏全部 周易正義十卷 尚書正義二十卷 毛詩正義四十卷 周禮註疏四十二卷 儀禮註疏十七卷 禮記

建德縣志 卷之七

學校

六十七

正義六十三卷 春秋左傳正義三十六卷 春秋公羊傳註疏二十八卷 春秋穀梁傳註疏二十卷 孝經正義三卷 論語正義二十卷 孟子正義十四卷 爾雅註疏十卷

十卷

上諭條奏一函五本

條奏一函六本

御纂三禮義疏一百二十七本 周禮四十八卷 儀禮四十八卷 禮記八十二卷

御纂周易述義一部 十卷 磨勘簡明則例一本

御纂詩義折中一部 二十卷

御纂春秋直解一部 十六卷

欽頒二十一史全部五十函 史記正義一百三十卷 漢書一百二十卷 後漢書一百二十卷 三國志六十五卷 晉

書一百三十卷 宋書一百卷 南齊書五十九卷 梁書五十六卷 陳書三十卷 魏書一百十四卷 北齊書五十卷 周書五十卷 隋書八十五卷 南



史八十卷 北史一百卷 新唐書二百五十五卷 新五代史七十五卷 宋史四百九十六卷 遼史一百十六卷 金史一百三十五卷 元史二百十卷

欽定明史十二函一百十二本 三百六十卷

欽定墨選四部

御選唐宋詩醇四部二函 四十卷

御製詩初集四函二十四本

御製詩二集共一部十二函

御製文初集全部 三十卷

御製平定朔方告成太廟碑

御纂性理精義全部 十二卷

建德縣志 卷之七

學校

六十八

南巡盛典全部四十八本 一百二十卷

科場條例二函十六本

萬壽衢歌樂章一函三本

新增科場條例二函二十本

御製文廟碑帖十册

御論一本

御墨摹寶一道

御製平定準噶爾碑

御製平定三省紀略二道



御論一本

十一經旁訓全部

周藩憲發附存

學額

督學歲科兩試每試額取文童二十名入縣學為附生歲試額取武童十二名為武生舊額每試額取文童十六名雍正二年增四名為大學文童初入學者為附生無定額增廣生額二十人廩膳生額二十人歲貢生兩年一人以年深廩膳生充之遇有恩貢則以其次廩為歲貢生拔貢生十二年一人

### 新纂停試章程

禮部奏為請旨事竊臣等恭讀上年八月初四日

建德縣志

卷之七

學校

六十九

上諭所有鄉會試一律停止其以前之舉貢生員分別量予出路等因仰見朝廷敦崇實學嘉惠寒賤之至意云云謹將酌擬寬籌舉貢生員出路章程六條繕呈

御覽恭候  
聖明采擇施行

一酌加優拔貢額查直隸總督袁世凱等奏停科舉摺內籌出路一條聲明十三科之內各省優貢照舊舉行已酉科拔貢亦照舊辦理皆仍於舊學生員中考取已入學堂者不准應考優貢額少請按省分酌加分別錄取等語查優拔貢向皆於優等生員取錄兼甄文行所得人才較多自應量予加取以廣甄拔擬請已酉科舉行拔貢照向額加倍考取本年丙午即係考取優貢之年以後每三年舉行一次各省均照例額加四倍考取其廩生應出歲貢並准照原定額數倍取以惠寒賤均於壬子年考優後一律停止學堂學生仍依原奏不准與考

一考用臚錄查定例會試及順天鄉試皆於荐卷內挑取臚錄送各館當差二十九

年管學大臣遞減科舉原奏有多挑臚錄之請上年吏部亦奏准考取臚錄現各部書吏漸次裁汰請繕文牘需人必多擬仿吏部辦法酌加推廣凡各部院衙門均令考用臚錄幫繕公牘舉人五貢生員分為三等酌給津貼三年分別獎叙准以實官分發其舉人拔貢優貢考充臚錄當差期滿並由該堂官擇尤奏請改用七品小京官在部行走俾昭激勸

一已就揀選舉人准令報捐分發免交補班銀兩查定例舉人近省三科遠省一科



以上者皆准就揀以知縣註冊惟揀選並無班次徒有虛名又現在科舉既停近省舉人並有未能註揀者自宜量予變通以示體恤擬請嗣後各省舉人不必限定三科均准以揀選知縣註冊並由吏部酌定班次選用其中式已過十年有願分發到省者令交分發銀兩即准分省試用各項貢生就職照此辦理

一截取舉人請無庸再用教職查舉人截取向用知縣教職兩途現科舉停後專重學堂教官事務愈簡上年吏部奏准裁去復設一缺擬定選班以師範生間補截取教職得缺無期同於廢棄查直隸州州同及各項鹽庫大使或為舉人應得之官或為大挑知縣借補之職擬請嗣後截取舉人除用知縣外兼用直隸州州同

鹽庫各大使以廣登進其截取舉人已奉旨以知縣用者並請准其隨時分發毋庸扣限俾得及時效用至恩拔副貢生向例

准以直隸州州判就職註冊而歲優兩貢不與未免向隅且直隸州州判額缺又甚少殊覺擁擠並請量加推廣凡五貢均准一體以按察司鹽運司經歷散州州判府經歷縣丞分別註冊選用如捐交分發銀兩即准分省試用

一 生員考職二十九年管學大臣奏遞減科舉摺內聲明生員准比照已滿吏考職用為佐貳雜職分發省分試用等語查定例貢監考職皆係來京考試惟各省生員多係寒士若概令來京考試殊不足以示體恤且人數過多宜加限制擬除業經諸生應挑入學堂及現充各學堂教員現入師範學堂現送出洋遊學各生外其餘生員均於考優貢之年准令各州縣會同教官慎加遴選保送由各督撫會

# 建德縣志

## 卷之七

學校

七十

同學政認真考試取其文理暢達事理明晰者大省取一百名中省取七十名小省取五十名其保送人數約計照取額十倍為斷毋得過濫至每州縣應送若干由該督撫等分別酌定先期飭遵取定等次併將所取各生姓名三代年貌造冊咨送吏部一等以巡檢用二等以典史用分別註冊如願捐交分發銀兩者並准分省試用亦截至壬子年止以示限制

殿試或

朝考者向例於下科補考今科舉既停擬請准令該員等取具同鄉京官印結赴禮

部呈請已經覆試或

殿試者即開列所考等第名次帶領引

見懇

恩給予出身分別錄用未經覆試者亦請查照新章免其覆試引

見錄用其已免覆試之舉人並請一體准其照例就揀以免向隅

以上各條如蒙

俞允應由 臣等咨照吏部學部通行各省一體遵照辦理恭摺具呈伏乞

皇太后

皇上聖鑒謹

奏



光緒三十一年二月十五日具奏奉  
旨依議欽此

### 書院

玉峯書院 在學宮前久圯

五經書院 在玉峯山阿久圯

蘭臺書院 在縣治北一里明萬厯間知縣徐金星建邑人李一

元記咸豐年間被粵寇燬址尙存

舊志云徐公愛民重士留心學校邑人慕之置祠於院復設像以祀神像至今巍然  
邑人李一元爲之記記曰四明紫廷徐大夫諱金星字玉垣萬厯乙未春奉聖天子  
休命來令吾建既至以康阜黎庶爲己責以興起斯文爲己任甫幾五載政績卓犖  
教典宏敷觀風諸監司聯旌縷檄明倫翕然稱慶知內召之有待也然善政善教欲  
蓋彌張欲遏彌揚故日見於臺諫以薦揚於天下之廷蓋臺諫本天子耳目其言一  
出天下視之以爲榮辱朝廷視之以爲輕重銓衡視之以爲進退况大巡董公江巡

## 建德縣志

### 卷之七

學校

七十一

唐公方公會巡胡公鹽巡姜公探之民風而得侯之賢其巡撫胡公又探之諸君子  
而得侯之賢同聲交薦若持籌而符執契而合非虛也蓋唐堯在上則羣龍效用文  
武創德則周召作輔是以能建天地之功增日月之光也我侯以見龍之德負周召  
之才而小試牛刀爲兆於建問其政整整乎調停有方翼翼乎節宣有道刑罰省而  
囹圄空牘案清而胥吏畏上下交而使客釋是非公而爭訟平絕科歛里甲逸矣立  
限程征幹絕矣問其教澁泮而色笑講道而論心立規而式課文命煥然新矣然且  
制博陽之學田創中湖之學地築通衢之堤樹蔽芾之柳以衛學宮之虛則尤其表  
表焉者誠數百年希覩是宜建人有遐思哉昔卓茂爲密令齡齡小宰無他庸能帝  
以厚性寬中近於仁犯而不校隣於恕遂首加聘命優辭厚禮寇恂德在穎適以最  
遷穎民遮道請於上以借留名到於今稱之夫以侯之政教彰彰懋著天子方以聘  
命首加而斯民亦難於借留也思之豈容已哉是故刑罰省則思其仁案牘清則思  
其義上下交則思其禮是非公則思其智科歛絕限征立則思其信反風滅火拯溺  
賑飢則思焚獨之哀矧夫課士取士之勤學田學地之制若民與士固宜永思之矣  
不然上之一人至渺也下之人千百其心求人而悅之日亦不足矣下之人至衆  
也上之人崇卑其勢求人而協之力亦不及矣而何以有此哉余掌邦禮亦侯德  
中化人合邑父老江祚童文紳等置書京師以紀桑梓之慶以永甘棠之思余固因  
其思而繹思焉蓋不徒勒石於四明刻鐫於峰子而新特建之祠特樹之碑以傳於  
永永也今侯去矣躋要陟台矣得位行道有地矣遠我父母其如百姓之失所怙恃



何哉乃矢心礱瑣丹渥尊父母之像而肖之如吳道子寫孔之神美則愛愛則傳傳則久久則徵以稽侯之歷履則建民異日思侯之政教而不見而見侯之貌亦庶幾少慰羹牆夢寐之想也故書此以紀侯之政教而因以驗民去後之思云萬曆九年辛巳歲孟春月吉立

### 試院

舊試院 在東街明洪武初年知縣夏霖建後圯

國朝乾隆二十四年知縣甯鰲即其址改建儲備倉今作漕倉

新試院 在縣署東偏山麓下舊係孔相國花園屋地內有雲石出屬

於檀乾隆四十一年合邑付價銀三百四十兩與步頭檀春齡之

子比慶等置為試院其價內檀輸銀一百四十兩湊造考棚又相

國裔孫傳錫等輸花園前田改塘一口計弓四畝零衙牆東邊田

建德縣志 卷之七 學校 七十二

一號計弓一畝一分今成塘東邊小塘一口計弓三分又合邑將徽

商程仁發名知柔原捐東街二柵司訓署舊屋十一間與試院東前

角汪廷弼住屋對易以汪屋并入試院乾隆六十年合邑捐修試

院門首橋路橋高三尺路寬八尺長五十丈自龍門達於院內皆甃以石道光元年建頭門並修屋

府城察院 乾隆五十九年六邑重建本邑共捐銀八百八十兩咸豐年間被粵匪燬光緒年間六邑重建本邑捐銀若干兩現改中學堂

府城老考棚 即係先年秀山書院現歸貴池縣承租租金撥歸中學堂

### 安徽巡撫馮煦奏片

再建德縣知縣徐景鏞詳稱邑紳前兩廣總督周馥夙秉先訓向稱好施前年池州府中學堂舉辦乏資曾捐廉銀四千兩得以集事本不敢邀請議叙查近年捐

助學堂經費部章有准按賑捐例請封給獎而該紳之曾祖父母以次均已仰沐聖恩賜正一品封典惟其高祖父周文元鄉稱隱德久未闡揚捐例推恩本有賙封高



祖之條擬請獎周馥之高祖父周文元高祖母周王氏庶高祖母周楊氏均請正一品

封典例銀有贏無絀等情由署提學使吳同甲詳奏前來臣伏查興學育才爲當今急務該紳周馥慨捐鉅款助充經費洵屬好義

可嘉合無仰懇

天恩俯准將前兩廣總督臣周馥之故高祖父周文元高祖母周王氏庶高祖母周楊氏均給予正一品封典以昭激勸除咨部外謹附片具陳伏乞聖鑒訓示謹

奏

光緒三十四年六月十四日奉

硃批着照所請該部知道欽此由布政使沈提學使吳會札行縣知照

### 學署

舊學基一區 在縣治東今失其處契紙猶存

舊志原文

教諭署 在學宮東乾隆四十二年合邑捐建

建德縣志

卷之七

學校

七十三

訓導署 在明倫堂西乾隆四十二年合邑捐建嘉慶十五年復

建屋三間舊署在學宮西齋乾隆初年以移學故遂廢休邑程知

柔於乾隆二十年買東街二柵潘姓屋一所輸爲訓導署又於三

十二年買署西潘姓屋一所輸爲訓導署四十二年合邑新建訓

導署於明倫堂西遂將程知柔原輸屋易得汪庭弼察院東前角

住屋歸察院內又於嘉慶十三年將程知柔繼輸屋易得王恩蕩

弓田四畝八分一釐歸入歲修局

### 捐置司訓公署訓導汪元侃記

縣有學學有署而兩廣文一處東偏一處西偏制也建德縣儒學舊制正副廣文各有署十年前以移學之故西齋廢焉司訓不得已賃廡民間邑紳士有識者引以爲



憂然無公項可置屋俾司訓者得安居也予戊辰來建賃廡以居者凡五閱歲氈寒盤空更無寧宇癸酉秋休邑翰林待詔程君以邑紳士有識者言乃舉令先人天成先生舊輸公產贖回之價轉買潘姓之屋益以銀兩添造餘房籲縣而歸諸學俾司訓者永遠居之甚盛意也縣大尹董公以為義請諸各上憲皆於君有殊獎而予適承乏茲土乃得遷署其間為後來司訓者先猗歟休哉此豈易得多觀之義舉哉天成先生在建好善樂施不可枚舉君又為司訓茲土者計永遠於君家為善繼述于建邑為識體要不可及也矣君諱知柔字甯遠待詔翰林休邑人子翰周善讀書君寄孥於建者至今凡三世其將由庠序而登巍科樹大業乎是用勒之屋壁為後來司訓者告焉屋西至官街北至王姓所買胡姓屋滴水東至王姓所買舒姓牆脚西至潘姓屋乙亥年五月大尹鄭公親臨照契定界以傳久遠云是為記

### 改建司訓公署訓導吳秉鑑記

蓋聞積厚者流光德大者報隆自古皆然于今為烈休邑甯遠程先生年高德邵生平樂行義舉穎不勝書粵稽建邑司訓之齋前已傾圮自乾隆癸酉歲程君捐銀置買民房改為公署迄今十有餘載原原委委固已勒石不忘而士亦以是為歎惜限於地而不得擴焉歲在丁亥時維菊月署右潘姓之房適欲售程君慨然置之並作官廨俾司訓者亦可優游室處其種德詎有涯歟易曰積善之家必有余慶帝眷由來不爽今以程君懿行徵之何但躬膺上壽弗祿爾康且可預卜其令嗣必有步鸞

## 建德縣志

### 卷之七

學校

七十四

臺登麟閣大啓爾字者矣是為記

### 學租

### 明劉光復周司訓置學田記

建固饒邑也澤宮為甚青巖固冷局也而建庠為甚此中明經掌故之士率如濟南所云待歲俟盡已矣固有一二足述者脫然於羔雉七俎之外而以文義陶鑄子衿如建邑之先朝項魏二君子既已俎豆宮牆矣至以教士而為養士計且不為一時計而為世世永賴計此在郡邑之長指不多屈於冷然苜蓿者何有哉余讀禮三年年友徐季曾時過余廬稱述其邑令王君清風惠政卓異無雙已又為言司訓周君坤平其族氏埒景昭其操行比澹臺其才藻主文壇藝圃之盟其科條奪湖洲海濱之席不具論至於捐俸制產以贍庠土之貧則從前未有之舉也余應聲笑曰廣文匪頒之數凡幾何不既傾儲而出乎季曾曰此未足為周君難周君為吾庠規永利更有進於此者余曰何居季曾曰邑固有禪師山隸於庠山多美材強有力者旁睨之誘之以奇貨可捷售也周君低徊計指謂有材如此需之十年可數百金需之二十年可千金二十年以後歲取其贏以拓所未有其為澤宮之長利無已時奈何一朝擲去顧士方沃釜待炊不有所以佐饘粥紓目前之急其誰肯株守以俟河清耶



計五十金之產一歲足與一歲之貧則一金足以留數十金之直士即無愛於山木而有愛於不貨之田旁睨者即有愛於山木而不能餌我子弟果然之腹以奪其所甚愛庠之士長守無變計復何慮稟煩補助哉夫樹穀以歲計樹木以世計創歲計以儲世計以爲澤宮世世計則周君之樹德遠矣且吾於此見君才矣劉邵有言文章之材國史之餘也儒學之材安民之餘也周君之異日庸可測量乎哉是不可以無記田五畝六分四釐二毫地九畝八分五釐基地二分九釐草場山場各二號庄屋一所係買方廷舜業佃戶徐繼元田三畝零三釐八毫草場一號係買柯銓業佃戶林應傑塘一區係周君新懇費銀一兩九錢共計田八畝六分八釐地九畝八分五釐歲入租穀十五石五斗登之預備公廩中以待貧土地租銀七錢尅期輸入耳房公帑一切惟正之供取諸此諸凡平原隰清流泉典守林麓責之樹者則王令君主畫移檄監司著爲令所謂成人之美者君子也令君諱浙蜀之灌縣人周君諱謙坤平乃其別號無湖人君之僚長孫君紹本揚州人其西序爲君瀉則坤平之阮咸也并記之萬曆四十一年立

一沈宏徐文福等二十四名每年納銀一十一兩二錢九分六釐  
又儒學移納銀三兩二錢三分七釐共銀一十四兩五錢三分

建德縣志

卷之七

學校

七十五

二三釐縣掌之解赴藩憲轉移學憲給發本學廩生

一土名黃田鳴山二共弓田一十四畝九分二釐零共納租穀二十九石八斗九升六合零後奉文每年動支穀九石給發貧生其餘存倉照時變價解赴安慶府敬敷書院以爲膏火之用

一土名禪師庵每年交納租銀十兩整內移三兩二錢三分七釐過縣彙解藩憲餘銀兩學均收

一堯渡西祠前左右靠河交納地租銀六兩三錢七分兩學均收

一堯渡橋下新池每年交納魚租銀一兩兩學均收

一堯渡獺嘴窟每年交納魚租銀三兩四錢兩學均收



一堯渡官池每年交納魚一百觔兩學均收

一江紹文愿捐厯山坂弓田一畝二分每年交納租錢七百文兩學均收

一小梅保陳武昌將官港中街朝東店屋一所並屋後餘基圍牆及右邊餘屋輸入學宮每年額交租銀十三兩兩學均收

年立碑記於明倫堂

一土名馬鞍嶺田八號計弓三畝七分地八塊計弓二畝七分每年納租穀七石納地租銀三錢七分方克猷邵仰侯佃義學師收

建德縣志

卷之七

學校

七十六

一土名西風灘乾田四塊計弓二畝一分每年納租銀一兩二錢租油二觔倪松佃義學師收

一土名西風灘乾田一塊計弓四分又阮家壠乾田二塊計弓二畝一分每年納租銀五錢五分程相賢佃義學師收

一奠龍山每年交納租銀三兩四錢

書斗以為土地會之資

一汪德將北門內樓屋三間並基地輸入土地祠取租祀神

嘉慶二十

年立碑記於土地祠

一余家地每年交納租銀一兩二錢

給書斗花朝祠神之資

一王騰斗原輸與續輸銀一百一十兩買木坑山柿樹堰小坂上



田大小十六塊共計弓八畝七分四釐三毫又陳家塢田二塊計弓四分四釐七毫以上二共弓田九畝一分九釐與管姓相共應得一半輸入龔宮歲修局每年額租十石零一斗三升油二十五勛二兩乾田納租錢一百文係楊姓佃

一徽商程知柔繼輪潘姓屋一所易得王恩蕩土名紙坑山石堰東邊黃栗塢口田一號計弓七分又石堰東邊石碑上首大田一號計弓一畝八分九釐共弓田二畝五分九釐每年額交租穀六石二斗五升香油二十勛今俱改地每年上季額交大麥二石五斗下季額交粟子二石五斗香油無 又土名紙坑山

李家坂堰田一號計弓三分五釐 又壩下田一號計弓六分五釐又塘一口照股車水灌蔭共弓田一畝每年額交租穀三石香油十勛 又土名宋陂堰梧桐坵田一號計弓一畝一分五釐三毫七絲每年額交租穀二石一斗五升夏季大麥五斗歸入歲修局現歸高等小學堂經費

一買堯渡十二柵內檀姓坐西朝東店屋一重並餘基窰屋晒灘週圍牆壁東至官街西至人行路南至檀屋牆北至黃屋並後轉角出步餘屋外至朱黃公路現歸高等小學堂經費

一買堯渡三柵內坐西朝東店屋一重前至官街後至大路南至



朱屋滴水及程張基地北至邵屋並黃檀基地週牆磚牆並餘屋餘基圍牆等與徐春公相共爨宮得一半徐得一半

### 明倫堂碑記

自嘉慶二年至九年大修 爨宮並殿後築山建造 崇聖祠明倫堂前廳忠義節孝兩祠試院頭門並修整院內堂屋一切又前縣簡借繳府城橋工及零星等項除開支清賬貼出外仍餘九五平銀二千四百零五兩一錢二分又灑掃會暨明倫堂做匾對剩銀共一百二十兩零三分除買堯渡市屋二所共去銀二千一百二十五兩現又建造文昌殿並三代祠去銀四百兩有零已毫無餘剩而工猶未竣縣尊郭公捐俸以助之

一市屋租銀九五平共一百三十二兩六錢每年付局內殷練首士輪流收管將原封封固以圖章蓋之外人不得擅支交租者亦不得妄交或首士年老則公舉殷練者代之

一鄉試公舉殷練四五人約于七月二十日前即帶原封之銀齊到金陵公同拆分並刊細賬分給

一鄉試無論恩拔歲副並府縣學正科及錄遺生監俱于江甯錄遺考後即擇公所按銀均分臨期不得冒領先期亦不得預借恩科鄉試同

一會試給銀八兩 恩科會試同

一爨宮倘有損壞即邀城鄉首士公估修葺需費若干酌于不鄉會之閒年租內支取隨出細賬並于分給時開除

一除 爨宮支用外雖係試院及一切公務概不得挪借



一赴北闈者照南闈之數必須族隣保認於歲底給其眷屬如有冒領者加倍罰之一武闈照文闈之數于塲後補給

一九都坂學田九畝三分王姓佃田旁殘碑載乾隆六年立

### 研經書院

同治六年十一月二十五日建德縣知縣路匪奉憲行准部咨御史范奏軍務肅清亟宜振興文教欽奉諭旨轉飭查明有無書院如廢者舉之無者創之等因到縣查向有蘭臺書院圯廢無存欲思重建苦無經費惟有奉發牛本一欸已屆三年停放之期即稟請作為創建書院之用計可收三千六百餘千文蘭臺書院舊址狹小有邑廩生江錦瀾等樂輸城南鷺臺寺公基一塊該處山林毓秀堪以建立書院擬造三間四進中進設立講堂後蓋樓房加以庋廈游廊共計齋舍十二間足為課士之地擇於是年冬十月初十日開工次年閏四月二十七日一律告竣是役也共用錢四千二百九十一千文房舍雖經落成惟尚無膏火之資復經知縣陳兆慶傳集各保紳董量力捐輸周尚書馥首先捐助廉銀一萬兩各鄉陸續捐得本洋一千六百餘元尚有地方舊存茶棧錢四百三十餘千文一併歸入書院生息以為按月考課之資疊聘名師主講如休甯進士汪仲沂懷甯孝廉陳小山桐城進士楊伯衡皆海內經師造就人才一時稱盛當時官斯土者如知縣倪晉麟李延慶李長郁皆親自課士李延慶捐給廩餼尤厚厥後奉明詔廢科舉設學堂於是研經書院遂廢以其房舍改建高等小學所存本銀全數撥充學堂經費云

## 建德縣志

### 卷之七

學校

七十九

### 新建研經書院碑記

路 匪

同治丁卯春

天子有詔書東南既已肅清亟宜振興文教其有書院者修理之無者創建之命下

之日爰集寮案紳耆而議之曰夫事有本末時有緩急教養者王政之本善後之急務也是故聖君賢相未有不持其本而棄其末先其所急而後其所緩者也當江南初平之時百廢未舉之先今制府爵相曾公立勸農局民之無力耕鑿貸以牛種俾無凍餒流亡者深賴其利矣今則荒蕪治民力復於是停其放牧其貸儲諸庫將以為善後之要需而適奉詔書建講社嗟呼教與養並行而兼施蓋昔之所難今於是乎見苟非聖君賢相之在上烏乎能哉且以牛種錢作講社用使民無興役之怨十有大庇之歡不益美乎衆曰然余遂上諸各憲悉荷允諾爰稽縣志昔之書院有五歲久湮弗可考惟蘭臺書院者故址雖存而去城遼遠地勢狹隘不足為廣廈大庇邑職員李正榮為余言城南有鷺臺寺廢地為江氏祠基用建講社不亦可乎遂攜前廣文松滋楊君恒樞袁江王友燮順往相焉山環如玦水帶若襟天然爽



壇誠不誣也江聞善舉樂輸爰擇吉築基鳩工庇材經始於丁卯冬十月越戊辰夏  
閏月竣事構室四重曰頭門曰講堂曰廳事曰書樓各三楹繚以迴廊翼以廂舍輔  
以齋室共屋四十餘楹堅壁美材不事雕飾尚樸素也院宇軒楹務求高廣欲爽朗  
也廳前隙地蒔以花木爲遊息也經費餘錢爲延師膏火之需也竣事之日復奉  
詔書命考試諸生令其專經以規實學因名曰研經所以重君命勵勤學也於戲  
我朝左武右文敦儒重十學校之盛雖三代大備之時不是若也今東南甫靖貢  
獻未能備賦稅未能復而天子不之責乃岌岌於書院之舉其欲勵人心厚風  
俗者亦已至矣昔者先王之設學校也蓋欲學誦詩書習六藝由正心以至平天下  
學而上達之謂也聖人以其期之學者以是副之故爲政之大莫過於斯三代而下  
世風日衰輒以入學爲進身之階博利名之始而有志之士欲守先聖之教以待匡  
時之用者則反不能厠身庠序之中後之賢者有慨於斯遂創講社以其無官司功  
名之拘忌聚其徒而講學守先聖之教不爲時俗移者也唐宋以降朝廷以文章取  
士學者以剽竊爲工遂以講社爲會文之地吁是豈先賢之初意哉且學者苟以雕  
蟲之技剽竊之學爲務若一旦蒙進取任以治平之責其將何術以上答高厚下  
慰蒼生乎余愧未優於學而仕已違先聖之訓更何敢言先聖之道然叨  
竊廩祿忝膺民社有教誨之責不得已而爲斯論也後之學者其勉焉

### 學堂

學校

## 建德縣志

### 卷之七

八十

高等小學堂在南門外鷺臺山上即前研經書院舊舍光緒二十八年欽奉

明詔飭將書院改爲學堂知縣李長郁會商紳士紳動撥公款購辦圖書器具修改房屋

復添齋房十間又以開辦學堂常年需費甚鉅書院存款生息實不敷用乃會董議  
由茶斤項下按照入一出二之法抽收濟用即出戶每斤抽錢二文後據各茶莊稟

請毋庸再取出戶情願每引輸捐曹平銀二錢核計歷年引數捐款約收七百餘金  
又於竹木項下酌定每元買主賣主各抽一分約可歲集三百兩有奇又附生楊紹

熙兄弟先年捐有小梅保北村坂田一百四十餘畝額租三百担經貢生陳書等經  
管添置額租五十四担八斗以上均一律撥充學堂經費又經邑人趙鎔等援照徽

州中學堂成例稟縣轉詳兩江督部堂周批飭皖南茶釐局議准於茶釐二成項下  
每年撥助建德學費銀二千兩嗣因公善典閉歇學欸無處存放於是官紳集議以

原有研經書院存本銀一萬二千餘兩周尙書覆在兩廣總督任內續捐銀四千兩  
稟准開設公益質舖照典例取息光緒三十二年開辦後因銅元充斥錢價受虧學

堂經費因之奇窘於是改用洋碼以免折耗連上項租息捐款共約歲入銀三千數  
百兩高等小學堂城鎮兩初等小學堂及奉攤各項公用均於此取給焉

學堂房舍於宣統元年加修復改建樓房一間寢室九間爲講堂及學生住宿之用  
計設置禮堂一間講堂四間會議室一間自修室十一間寢室十一間膳堂一間職

員住室二間教員住室四間僕役住室三間閱報室一間圖書器械室一間會客室  
二間儲藏室一間浴室一間理髮室一間廚室二間廁所一間體操場一方學生名



額初設四十名繼將校舍擴充推廣學額因部章限制招考由初等小學堂畢業升送此時尙無合格之人故變通辦理設立預科二年卒業升入本科本科額設六十名預科額設二十名均報部立案本科第一班定宣統二年畢業以後逐年可辦卒業一次

### 附高等小學堂及勸學所

城廂一區官立第一初等小學堂在城內上街福主祠間壁課桑局內於光緒三十二年由知縣李長郁會紳創辦三十四年暑假因學生太少課程缺略經教育分會稟由知縣徐景鏞詳報 學憲暫行停辦宣統二年正月復由知縣張贊巽會同學務總董趙鎔等從新規復開辦費係由公益質舖撥給其常年經費約英洋三百餘元統由茶釐項下支給現設校長一人綜理全校事務教員二人分任各門學科定額六十名遵 部章教授五年卒業升入官立高等小學堂

城鄉一區官立第二初等小學堂在堯渡鎮中街於光緒三十二年由知縣李長郁會紳創辦開辦費係就舊有之研經書院存款項下支給其常年經費約英洋三百餘元亦由茶釐項下撥用以第一初等校長兼攝本校校長主持全堂教育事宜教員二人分授各門學科額六十名遵 部頒新章第一類完全科教授五年畢業升入官立高等小學肄業

## 建德縣志

### 卷之七

學校

八十一

按初等小學爲義務教育照 部頒強迫教育章程二百戶以上宜設初等小學一所一邑之大至少須設初等小學四十所教育方能普及現由勸學所擬定章程勸令三鄉七區各設初等小學堂樹之風聲俾聞風興起隔啓顓蒙庶足以宏教育也

### 勸學所

勸學所設於南門外鷺臺山上高等小學堂南首查學部 奏定各省學務官內載各廳州縣勸學所設縣視學一人兼充學務總董選本籍紳衿年三十以外品行端方曾經出洋游歷或曾經習師範者由提學使札派充任即常駐各廳州縣城由地方官監督辦理學務並以時巡察各鄉村市鎮學堂指導勸誘力求進步又勸學所章程內載各廳州縣應各於本城擇地設公所一處爲全境學務之總匯卽名曰某處勸學所是勸學所爲一縣學務之總樞機關不具即無以促進行而宏教育光緒三十三年由前知縣李長郁稟准開辦由合邑公舉廩貢生趙鎔爲縣視學兼學務總董籌款建築勸學所四間嗣因學款支絀各區勸學員尙未舉定未能實行董勸復經知縣張贊巽會紳擬定章程稟准抽收油坊捐每油坊年捐大錢六千文爲勸學所經費復飭添舉七區勸學員安訂章程辦理

### 義學田數列左現歸高等小學堂



楊姓捐小梅保北城坂等處弓田壹百四十餘畝額租三百担

同治八年買受下坦坂田拾玖畝柴分五釐額租伍拾肆担八斗

又地拾五畝三分

堯渡街西祠租稞共熟田捌分 額租壹擔陸斗

共熟地式畝捌分 額租五擔陸斗

又荒地柒畝有零

又李益大每年交地基租錢五千文

又朱以丞所開森錦源糕坊每年交地基租錢

壹千四百文

建德縣志

卷之七

學校

八十二

又汪傳信豆腐店每年交廟租基錢拾貳千文

堯渡街東祠租稞 倪開藩每年交廟基租錢壹千五百文

堯渡十二柵 坐西朝東賓興市屋壹重前至官街後至湖路南至檀姓屋北至灘

堯渡一柵 坐西朝東紅廟一重前至官街後至湖路南至朱姓屋北至李姓屋

研經書院新購市屋 現改高等小學堂均歸學堂經費

一光緒十年買受九都十里程以恒以禮同侄長發堯渡十一柵

坐西朝東市屋一重前至官街後左至詹姓墳境後右至張姓

餘屋左至鄭姓屋基右至張堯叟公屋

一光緒十二年買受一都六里徐克柔同姪治衡堯渡十二柵坐



西朝東市屋一重前至官街右邊前至牆外陳屋後統至公路  
左至牆外文昌閣店屋右至牆外前一截至陳姓屋後一截至  
徐師古公屋並至公巷

一光緒十五年買受三十一都十里汪元和堯渡九柵坐西朝東  
市屋一重前至官街後至塘壩路南至張屋北至章屋

一光緒二十七年買受九都二里查柏椿弟壽椿姪邦濟堯渡一  
柵坐西朝東市屋一重前至官街後至楊屋左至張屋右至楊  
屋

一光緒三十年買受此屋無基科不載都里江倚雲堯渡一柵坐東朝西市

建德縣志

卷之七

學校

八十三

屋一重前至官街後至大河左至汪姓屋右至江姓屋此屋基址向歸

縣儒學管業每年額納儒學地皮租錢八百文

一光緒二十三年買受坊市都一里鄭起樹城內六柵坐南朝北  
市屋一重後餘屋一重東西南三至王姓牆脚北至官街

新建建德農林公會會所碑記

建德農林公所因周太夫人憫念桑梓遺言囑緝之廉訪等創建也太夫人歿於光緒丁未年十一月初二日逾二年己酉九月葬於桃源既葬緝之廉訪哀痛終天因請命於尙書公欲獨捐鉅金成茲善舉不欲累諸兄弟尙書公許之廉訪猶丹四躊躇謂邠曰吾母生前憫建邑山多田少欲興地利非就山取材不可今聞官山無多且多磽瘠而民山須待一一收買爲費鉅而收效遲將奈之何於是官紳識曰先擇地建立公所撥左近官荒試辦俾資勸導續由各鄉添設分會舉紳士董勸之無論官荒民荒概催墾植可以立模範而樹風聲也况公所歲發佳種並頒時藝之法遵照部章實力奉行鄉民有不觀感倣效者乎廉訪欣然謂邠曰農林公所宜相地速



建子孟爲我圖之邪日諾初相度河西坂梅山口二地偏而隘後乃履視南門嶺之南地勢寬濶原隰平衍官地也間有民業則請趙君法乾購之遂誣宣統元年十月鳩工逾年正月告竣計公所造成正室七楹講習所十二楹前廳五楹其他厨福諸室皆備試驗場二十餘畝線以甃垣廉訪先捐開辦費六千金又許嗣後三年每歲助三千金爲經費預計四年後收穫所得可藉資補以垂久遠廉訪擬具章程已呈農工商部立案部咨院撫行縣力予護持邑人士歡欣鼓舞互相勸勉無不欲速觀厥成焉廉訪又以身勞王事不能躬親督率乃舉漢中魯別駕寶書爲農林會長卽廉訪之代表也寶書又舉邑紳劉子仁陳質堂二君分理之趙君法乾則廉訪約爲總調查以通上下彼此氣息者也以外議舉各鄉紳董甚衆於是招山東湖南之精林業者數人以爲表率並購外洋遠省穀果諸佳種偏植之仍擬歲墾歲種愈推愈遠今計公所落成之日開種南門嶺官山五十九畝又種天台官山六百八十餘畝梅山口已購之地五十七畝此外餘地尙多將於明春從事各鄉分會亦既開設皆議陸續領種而廉訪復派精於測繪某君周歷全邑繪山川圖蓋欲舉全邑皆成沃壤無曠土焉其爲利何可限量想太夫人之靈亦當含笑於九京矣古人云凡事不難圖始在慎厥終邠尤願邑之賢士大夫行之以健守之以恒毋負廉訪創業之意是豈特一邑之幸將見皖南各邑無不仿而行之風氣且將及於全省西人精農學者常謂林業之利倍於土田又何山多田少之足患耶邠謂廉訪是役不獨以成其孝且仰體

建德縣志

卷之七

學校

八十四

聖天子重農務本之旨亦所以成其忠也故樂書之以鐫於石用示來茲  
宣統二年清和上浣蜀北射洪歲貢生楊昌邠謹識